


PL
2413
26K46
1870
v.5

1870





Digitized by the Internet Archive
in 2021 with funding from
University of Toronto

<https://archive.org/details/sishutier05geng>

四書讀註提耳下論卷之三

耿棗手著

衛靈公第十五

凡四十一
章

朱熹集註

衛靈公問陳於孔子孔子對曰俎豆之事則嘗聞之矣軍旅之事

未之學也明日遂行

陳去聲

陳謂軍師行伍之列俎豆禮器

俎豆祭器也亦寓正名之義

尹氏曰衛靈公

無道之君也

註衛靈公復有志於戰伐之事

註問陳

故答以未學

包註對辭

而去之

滾註未句而字則遂字意也

在陳絕糧從者病莫能興

從去聲

孔子去衛

接上行字

適陳

按史記是時魯哀公三年孔子年六十矣

興起也

莫能興言病之甚也即窮

之甚也

子路慍見曰君子亦有窮乎子曰君子固窮小人窮斯濫矣見賢

何氏曰濫溢也言君子固有窮時固者常然之辭對上文亦字看不若小人窮

則放溢為非則即斯字義程子曰固窮者固守其窮亦通愚謂首

意尹氏註之三節意何氏註之通章意則朱子註之也故增愚謂字聖人當行而行無所顧慮遂

則可速而速處困而亨無所怨悔固窮則安於所遇不悔去衛於此可見學

者宜深味之此章便是絕妙傳體宜上下回環味之

子曰賜也女以予為多學而識之者與女音汝識音志與平聲下同

子貢之學多而能識矣先將多識反坐到子貢身上乃蓄女以予為之勢也夫子欲其知

所本也。

本也。即

故問以發之。

首二句，註子貢之學。次一句，註大

對曰：然非與。

方信。

然字之信。非真信。

而忽疑。

非與之疑，不盡疑。註着方字，忽字，又以而字互之。直取白文之神矣。此句註完

句義。

蓋其積學功至而亦

亦字自參乎章來。

將有得也。

此上推說句外意。

曰：非也。予之以貫之。

說見第四篇。

里仁第四

然彼以行言。

謂一以貫萬事。

而此以知言也。

謂以一貫多識。

。知行固是兩章界分。然其生熟高下，兩章白文各具境况。兩章集註亦各准星兩，須合玩互証，乃見聖人道理之真傳與朱子講說之精核也。

○謝氏曰：

聖人之道大矣，人不能徧觀而盡識，宜其

以為多學而識之也。然聖人豈務博者哉？如天之於衆形匪物

物刻而雕之也故曰予一以貫之德翰如毛毛猶有倫上天之
 載無聲無臭至矣尹氏曰孔子之於曾子不待其問而直告之
 以此曾子復深諭之曰唯若子貢則先發其疑而後告之而子
 貢終亦不能如曾子之唯也二子所學之淺深於此可見愚按
 夫子之於子貢屢有以發之而他人不與焉則顏曾以下諸子
 所學之淺深又可見矣

子曰由知德者鮮矣

鮮上聲

由呼子路之名而告之也

由字讀斷下句緩接。註由字

德謂義理之得於己

者。註德字

非已有之

領起德字

不能

倒扣鮮字

知其意味之實也

鮮知緊靠德字此章

重德字。知德與知道不同。有得於已。則知之矣。○自第一章至此。疑皆一時之言。此章

蓋為慍見發也。處窮而慍。便是無德。以御之也。又何能知。

子曰。無為而治者。其舜也與矣。何為哉。恭己正南面而已矣。與平聲。

扶夫音。

無為而治者。聖人。包說自古。盛德之君。德盛而民化。不待其有所作為也。

無為而治。聖人。所同。故另註之。獨稱舜者。單落。次句。紹堯之後。上有。所承。而又得人以任

眾職。下有。所託。故尤不見其有為之迹也。盛德是凡聖所同。上紹下託之遇。則舜之所獨。故特

稱之。但舜紹堯以盛德。紹之得人。以盛德得之。非當時遇也。須融會之。恭己者。聖人敬德之容。盛德

統說敬德之容。既無所為。夫何。則人之所見如此而已。此字指則指見於身者。敬德之

容而已字應
上句何字。

子張問行

猶問達之意也。意在得
行於外。

子曰。忠信行篤敬。雖蠻貊之邦行矣。言不忠信。行不篤敬。雖州

里行乎哉。行篤行不之行
去聲。貊芒百反。

子張意在得行於外。承問意
反引。故夫子反於身而言之。對問意立
入包說。

猶答子祿問答之意也。篤厚也。蠻南蠻。貊北狄。二千五百家為

州。此節只包註大意。碎註字義。以所以忠信篤敬之實在下節
也。書有虛實。故註有詳略。金陳於此處得竅。自無依題挨衍

之病
矣。

立則見其參於前也。在輿則見其倚於衡也。夫然後行。參七南反

其者指忠信篤敬而言。

緊靠上說

參讀如毋往參焉之參。言與我相

參也。

毋往參句。出曲禮。言有兩人坐立。我毋往入為三。此則言忠信篤敬與我參耳。故借其言而反之。

衡輓也。

言其於忠信篤敬。

先扣其字。念念不忘。

補出平日功夫。

隨其所在。

雙扣立與在輿。常

若有見。

雙貼見參前見倚衡。

雖欲頃刻離之而不可得。

必補足圓義。非但立與在輿有見也。

然後一言一行自然不離於忠信篤敬。

上節言忠信行篤敬。是言成功之效。此節方言

用功之密。故註於然後之下。找此二句以起行字。

而蠻貊可行也。

上節實義皆於此節註之。故上節只虛括

不呆註也。

子張書諸紳

紳大帶之垂者

先註紳字

書之欲其不忘也

次註書字紳字死書字活書紳則常若有見不

但立與在與矣

○程子曰

學要鞭辟近裏著已而已博學而篤志切問

而近思言忠信行篤敬立則見其參於前在與則見其倚於衡

即此是學質美者明得盡查滓便渾化却與天地同體其次惟

莊敬以持養之及其至則一也

子曰哉史魚邦有道如矢邦無道如矢

史官名魚衛大夫名鮪如矢言直也

以主証賓兩如矢已盡首句直字之義註語簡括正

得白文蘊藉之妙此與下節註各以事作証然單靠此則偏矣故不詳註

史魚自以不能進賢退

不肖既死猶以尸諫故夫子稱其直事見家語

君。哉。遽伯玉。邦有道則仕。邦無道則卷而懷之。

伯玉出處

雙扣仕懷

合於聖人之道

仕止當可。聖人之道也。合字含君子字界分。

故曰君

子

劉煞君子哉。

卷收也。懷藏也。

此先註節意。補註字義之法。伯玉未嘗卷懷。可字是懸斷之辭。如於

孫林父甯殖放弑之謀不對而出亦其事也。○楊氏曰。史魚之

直未盡君子之道。

直者德中分見之一端。君子則德無不備之統名也。

若遽伯玉然後可

免於亂世。

無道自是。不當如矢。

若史魚之如矢。則雖欲卷而懷之。有不可

得也。

外註互說。以推章外餘意。

子曰。可與言而不與之言。失人。不可與言而與之言。失言。知者不

失人亦不失言。

知去聲。

此言字只靠明道論事不必牽入朝政看下文亦字則書義只重知人耳。○本章白文已明故不續註。

子曰志士仁人無求生以害仁有殺身以成仁

志士有志之士

有志於理之士

仁人則成德之人也

理已得於已則理為成德之人

當死

無求生有殺身只是個死字故註只以一死字該括上下此三字即程註是字義

而求生則於其

其字指求

心有不妥矣是害其心之德也當死而死

貼殺身

則心

生之人

安而德全矣

題句一反一正無彼有此方是箇志士仁人

○程子曰實理得之於心

自別實理者實見得是實見得非也

實見字又推出有無前一層道理

古人有

捐軀隕命者若不實見得惡能如此須是實見得生不重於義

生不安於死也故有殺身以成仁者只是成就一箇是而已

無求

生有殺身字甚險怪。內註括以心安。程註判以是字。說出成仁不害之骨。則險怪歸於中庸。東漢氣節之士尚不足與於此也。
子貢問為仁子曰。工欲善其事。必先利其器。居是邦也。事其大夫之賢者。友其士之仁者。

賢以事言。仁見於事。仁以德言。仁蘊於德。夫子嘗謂子貢悅不若已者。故

以是包括告之。欲其有所嚴憚。貼事大切。磋貼友士之仁。以成其德。

也。包括答意。為仁由已定理也。此章獨主資人說。故內註援家語作案。程註括為字入脉。皆所以推原資人之由也。

程子曰。子貢問為仁。非問仁也。問仁則言仁之體用。問為仁則言為之實功。故夫子

告之以為仁之資而已。一資字括盡正義。而喻意已盡其中矣。

顏淵問為邦

顏子王佐之才故問治天下之道也下文皆治天下之道也此二句旁註問意曰為邦

者謙辭此句旁註為邦字面。下面皆作禮樂事非為邦者事也。

子曰行夏之時

夏時謂以

夏曆以之

斗柄初昏建寅之月

此天象也初昏者日沒星出之候也斗柄隨月異指

惟寅月則斗之柄建於寅方

為歲首也

此夏曆也曆重履端月正定則四時皆定矣此

不曰指而曰建尊天象也

上先提夏

天開於子

始則天地渾沌闔一萬八千

地闢於丑

至丑

之時作主

會地始闢

人生於寅

至寅會而人物始生

故斗柄建此三辰之月皆可以

而下降

為歲首

以其為天地人之始故皆可為歲之始若秦建亥則無謂矣自漢武帝太初元年至今皆行夏時據堯典分命

則夏以前亦

而三代迭用之夏以寅為人正商以丑為地正周

皆同夏時也

以子為天正也。此上以商之時。周之時。陪夏之時。然時以作事。謂農則歲月。謂

歲之自當以人為紀。謂自寅月紀序之此。言夏時當行之理。故孔子嘗曰吾得夏

時焉而說者以為謂夏小正之屬。此援夏時。蓋取其時之正。時

謂以人為紀。與其令之善。令善謂作事得宜。而於此又以告顏子也。自然時至此皆

正轉行字之意。

乘殷之輅。輅音路亦作路

商輅木輅也。亦先提殷之輅作主。輅者大車之名。天子所乘。故古者以木

為車而已。陪說古之車。反。伏辨等威之案。至商而有輅之名。蓋始異其制也。正

辨等威之案。周人飾以金玉則過侈而易敗。陪說周之輅。反。伏。不若

商。輅。之。朴。素。渾。堅。不至。易。敗。而。等。威。已。辨。不。徒。如。古。木。車。為。質。而。得。其。中。也。

商尚質。然不盡得中。而其輅則質而得其中也。乘字之義在其中矣。

服周之冕

周。冕。有。五。祭。服。之。冠。也。冠。上。有。覆。前。後。有。旒。亦。先。提。周。之。冕。作。玉。黃。帝。以

來。蓋。已。有。之。此。句。陪。說。周。以。前。之。冕。而。制。度。儀。等。至。周。始。備。此。句。正。轉。然。周。冕。之。制。

其。為。物。小。伏。費。不。及。奢。而。加。於。眾。體。之。上。伏。華。不。為。靡。故。雖。華。而。不。為。靡。

以。加。體。上。雖。費。而。不。及。奢。以。其。為。物。小。此。四。句。詳。言。周。制。之。善。夫。子。取。之。歸。結。服。字。蓋。亦。以

為。文。而。得。其。中。也。周。尚。文。亦。不。盡。得。中。而。其。冕。則。文。而。得。其。中。也。取。之。即。是。服。字。

樂則韶舞

取則字其指義盡善美之實盡美聲容之盛樂有聲有容而獨言舞

不更註而卽以子謂之語註則字之意

放鄭聲遠佞人鄭聲淫佞人殆遠去聲

放謂禁絕之禁者杜其萌絕者除其根鄭聲鄭國之音不單指鄭風之詩佞人卑諂

辯給之人佞辯給也此加卑諂字殆危也○程子曰問政多矣

惟顏子告之以此蓋三代之制皆因時損益及其久也不能無

弊周衰聖人不作故孔子斟酌先王之禮立萬世常行之道發

此以爲之兆爾由是求之則餘皆可考也張子曰禮樂治之法

也德者治之本也三月不違仁顏子放鄭聲遠佞人法外意也

法禮樂也。法外存此放。一曰不謹。不放。不遠之意。所以謹其法也。則法壞矣。禮樂皆敗。虞夏君

臣更相戒飭。意蓋如此。又曰法立。四代之禮。樂是也。而能守。不以鄭聲。倭人亂之。

是則德可久。治之業可大。鄭聲倭人。能使人喪其所守。即

謹則法。本立。故放遠之。上四節是法。求一節是戒。張註。尹氏曰此所

謂百王不易之大法。孔子之作春秋。蓋此意也。孔顏雖不得行

之於時。然其為治之法。可得而見矣。

子曰人無遠慮必有近憂

蘇氏曰。人之所履者。提出所履。以分遠近之界。容足之外。皆為無用之地。色

遠而不可廢也。引慮字。此上空。說宜遠慮之理。故慮不在千里之外。則患憂在

几席之下矣。此還無遠慮有近憂之面。蘇氏但以地言遠近。

就時地上宜周於慮說非欲人思出其位也思在未事之前慮在事來之際。

子曰已矣乎吾未見好德如好色者也。聲好去

已矣乎歎其終不得而見之也

子曰臧文仲其竊位者與知柳下惠之賢而不與立也。者與之與平聲

竊位言不稱其位而有愧於心。推竊字如盜得而陰據之也。擬

字之面竊物者陰據則人不得而奪之。竊位者陰據則賢不得而逼之。

柳下惠魯大夫展獲字禽

食邑柳下。諡曰惠。食邑有顯位諡惠更有顯名賢究不能蔽也。與立謂與之並立於

朝。同升諸公共其位可也。即遜其位亦可也。夫何竊。范氏曰。上註未及釋知字此臧文

仲為政於魯

位字

若不知賢是不明也

陪說

知而不舉是蔽賢也

正說

不明之罪小

陪說

蔽賢之罪大

正說

故孔子以為不仁

陪說

下又

以為竊位

正說

白文以竊位領起下文范註以下事例繳竊位其義一也

子曰躬自厚而薄責於人則遠怨矣

遠去聲

責

提責字貫兩項

已厚

上句

故身益脩

上句之意身脩則無愆尤之疵

責人薄

次句

故

人易從

次句之意易從則無苛刻之嫌

所以人不得而怨之

上註已含則字之理所以字即則字

之實也遠怨是上句自然之效

行文有倒提怨字者變格也

子曰不曰如之何如之何者吾未如之何也已矣

如之何如之何者

連領

熟思而審處之辭也

思與處是上一個如之何熟與審是下一

個如之何。合讀方是如。不點不。如是。包上。而妄行。補題意。雖聖

之何如之何者。圖義。人貼吾。亦無如之何矣。人能日如之何如之何者。未即事遂當

其然妄行。雖聖人如之何哉。

子曰羣居終日言不及義好行小慧難矣哉聲好去

小慧私智也。智慧無病病在小字私字言不及義則放辟邪侈之心滋。心滋則不

僅失言而羣。好行小慧則行險僥倖之機熟。機熟則不僅一行

難矣哉者言其無以入德。既無以相觀而善而將有患害也。必至於載胥及溺下

三句須不脫羣居終日意。

子曰君子義以為質禮以行之孫以出之信以成之君子哉聲孫去

義者制事之本。

義字

故以為

以為字

質幹。

質字首句重按

而

而字承上帶

行

之

三之字有指事言者有指義言者然既云義以為質則事即義矣指事說較亮

必有節文出之必以

退遜成之必在誠實。

信成却又包上三項

乃君子之道也。

乃字難辭也非贊辭

程

子曰義以為質如質幹然。

內註已本之矣

禮行此孫出此信成此。

三此字即

三之字。然是全靠首句說。故言事而義已裕也。

此四句只是一事。

內註劈提事字以此

以義為本。

內註已示之矣。

又曰敬以直內則義以方外。

敬在未事之前義在應事之際義從敬出故更推補

一層是敬為體而義為用也。此是章外義。

義以為質則禮以行之孫以出之信以成

之。此言應事時又義為體而三者為用是本章正義只在兩則字分別應用。直內一層程註欲其理足作文則不可並指

補

子曰君子病無能焉不病人之不已知也

書義已見前篇此處只重病字病字有糾痛不寧之意

子曰君子疾沒世而名不稱焉

范氏曰君子學以為己不求人知反拗名稱然為己內然沒世

而名不稱焉正轉沒世則無為善之實可知矣通出疾字疾無名者

已之學

子曰君子求諸己小人求諸人

謝氏曰君子無不持身接人或言或行皆包反求求猶責也諸己小人反是此君

子小人所以分也君子小人分矣然所以分處只在此○楊氏曰君子雖不病人

之不已知。然亦疾沒世而名不稱也。雖疾沒世而名不稱。然所以求者亦反諸己而已。小人求諸人。故違道干譽。無所不至。三者文不相蒙。而義實相足。亦記言者之意。此卽時文連章題做法。但此三章意本相足。故楊註一脈貫下。近日連章截題則意不相足。而強之以相蒙也。徒長文人機械。司文教者正宜禁止此等命題。

子曰君子矜而不爭。羣而不黨。

莊以持己。曰矜。持己宜矜。少涉乖戾。然無乖戾之心。則矜也而爭矣。然無乖戾之心。故不爭。然字轉接。卽白文而字義意無乖戾。立指持己之莊說。和以處衆。曰羣。處衆宜和。少有阿比之意。則羣也而黨矣。然無阿比之意。故不黨。無阿比。卽指處衆之和說。

子曰君子不以言取人。不以行取人。

言字皆指善。說人字皆指不善。說此章宜側重言上。蓋人之不善。世皆知其宜廢不宜舉也。若夫言而善也。過者則連人並舉。不及者。父並言亦廢。知言之君子。豈為是哉。

子貢問曰。有一言而可以終身行之者乎。子曰。其恕乎。己所不欲。勿施於人。

推己及物。推己之謂恕。己字內有忠在。推字內有所欲所惡在。及物。即行字。其施不窮。此施字兼欲惡。

非白文施字也。天下之物無盡。然雖與施取之已而不窮。亦焉往而不可行哉。末二句。只是一個恕字。單言勿施之恕。則宜施之恕。可知矣。故可以終身行之。倒綴。問語。○尹氏曰。學貴於知要。子貢之

問。可謂知要矣。孔子告以求仁之方也。恕是求仁之方。推而極之。雖聖

人之無我。仁也。不出乎此。恕也。終身行之。不亦宜乎。

子曰吾之於人也誰毀誰譽如有所譽者其有所試矣

譽平聲

毀者稱人之惡而損其直譽者揚人之善而過其實

損真過實便是直

稱人揚人便是於人毀譽

夫子

貼吾字

無是也

貼兩誰字上註毀譽字此句創註兩句句意

然或有

轉如

有所譽者則必嘗有以試之而知其將然矣

有試而後譽則仍是誰譽之直

聖人善善之速而無所苟如此

結任單說有試之譽

若其惡惡則已緩矣

是以雖有以前知其惡而終無所毀也

帶補有試亦斷無毀仍是個誰毀誰譽之直也

斯民也三代之所以直道而行也

斯民者今此

貼斯字

之人也

貼民字民字即上節人字就夫子言則曰人照三代言故曰民

三代

夏商周也直道無私曲也言吾之所以無所毀譽者

下節是申解上節故

緊承之。而此處所以字卽蓋以此民卽三代之時所以善其善。下三代之所以字意也。

惡其惡而無所私曲之民。註本節句義。故我今亦不得而枉其是非。

之實也。結上節節意。不枉其是所以行無譽之直道也。不枉其非所以行無毀之直道也。此章故明本朝兩出闢

題三代之君但曰三代之時不曰賞善罰惡但曰善善惡惡則是言三代之民風有然耳然照君說則行文易生氣勢故兩闢鄉會多主君言。尹氏曰孔子之於人也

豈有意於毀譽之哉其所以譽之者蓋試而知其美故也斯民

也三代所以直道而行豈得容私於其間哉

子曰吾猶及史之闕文也有馬者借人乘之今亡已夫

夫音扶

楊氏曰史闕文馬借人先扣兩事此二事孔子猶及見之倒找吾猶及以起末

句。今亡已夫。此已註完句義以下。則朱子推註章意也。悼時之益偷也。愚謂此必有

爲而言。以二事絕不相類也。蓋雖細故而時變。猶及今亡此二事之時變也。之大者於

此二可知矣。可知其俱因時而變。古道淪亡。世風日偷。事者。須於猶字也。字矣夫字。想其慨嘆聲氣。

曰此章義疑不可強解

子曰巧言亂德。小不忍則亂大謀。

巧言變亂是非。聽之使人喪其所守。所守卽所得之德也。亂則喪矣。此段是因入亂已就

接人言。小不忍如婦人之仁。不忍其愛。則理不必愛者。亦愛如愛驕子而致敗家。匹夫之勇

不忍其忿。則理無可忿者。亦忿如憤小辱而壞成計。皆是已。此段是已自亂就處事說

子曰衆惡之必察焉。衆好之必察焉。

楊氏曰惟仁者能好惡人

反觀兩衆字

衆好惡之

正貼兩衆字

而不察

反扣

兩察字

則或蔽於私矣

遍勒兩必字。察之非謂衆好惡盡不當也。註下或字則意圓而理平矣。

子曰人能弘道非道弘人

弘廓而大之也

大是弘字之面廓字之字皆着力念則此章弘字之義也

人外無道道外無

人

此先言人與道無待之理

然人心有覺

兼知行

而道體

兼費隱

無爲

此轉說人與道有相

待之功

故人能大其道道不能大其人也

此則中還能字非字之面也由人心而極其知

行。人能弘道也。道雖費隱而不

能強人以不可離豈能弘人耶。○張子曰心能盡性

能弘道也性不知檢其心非道弘人也

內註本此性則道之體也

子曰過而不改是謂過矣

過而能改。

抽去不字。反觀上句。

則復於無過。

反影下句。

惟不改。

正貼上句。

則其過遂

成。

正貼下句。遂字。註是謂意。

而將不及改矣。

永無自新之機。終為有過之人。補此。見過而憚改。蓋愆則難矣。

子曰。晝嘗終日不食。終夜不寢。以思。

無益。

句。

不如學也。

此為思而不學者言之。

總挈章句。

蓋勞心以必求。

括註上四句。必求者。歸吾心而強探。

之。不如遜志而自得也。

單註末一句。遜志者。循成說而深造之也。

李氏曰。

上未及解。吾字故集。

李註以圓其義。

夫子非思而不學者。

歸去吾字旁說。

特垂語以教人爾。

統包吾字。正說。

子曰。君子謀道不謀食。耕也。餒在其中。學也。祿在其中矣。君子

憂道不憂貧。

餒奴罪反。

耕所以謀食。

明承謀食。

而未必得食。

暗註餒在其中。

學所以謀道。

明承謀道。

而祿在

其中

暗包得食此兩段即謀道不謀食之故也故註不空然其解首句而但以下兩段分繳方畱得下文然字轉勢

學也

然字另轉。學也。正承。憂。謀者事之所營。不得乎道而已。非為憂貧之

故

不憂貧。而欲為是。指學。以得祿也。反找不憂貧之意得祿則不貧而有食也。但君子終

不因學可得祿而憂貧始學也。

尹氏曰

君子治其本而不恤其末豈以在外

者為憂樂哉

子曰知及之仁不能守之雖得之必失之

知去聲

知足以知此理

此理指之字此節而私欲閒之知以知此理屬

屬行私欲閒之則無以有之於身矣

知無私之理而間以有私之心則知之所得者

究未能有於身也非必失而何

知及之仁能守之不莊以涖之則民不敬

涖臨也謂臨民也

涖之之字指民

知此理而無私欲以間之

上二句則

之面

所知者在我而不失矣

上二句之意擇善固執此為學之大本也。註故於此截斷方轉下文兩項小疵

然猶有不莊者

下節動之句亦倣此作轉

蓋氣

稟習染之偏

是偏不

是私

或有厚

於內

知及仁守自不殘刻此原不莊之由

而不嚴於外者

此貼不

是以民不見其

官畏

此原不敬之意

而慢易之

此貼不敬之面

下句放此

謂動之二句亦宜如此作轉

知及之仁能守之不莊以涖之動之不以禮未善也

動之動民也

動之之字亦指民

猶曰鼓舞而作興之云爾。禮謂義理之

節文

動之謂振作民以義理當為之事不以禮謂民不盡合義理上節文之宜耳。此知及仁守莊涖後之疵宜細酌之。

節意已見上節。

故此節止註字。

○愚謂學至於仁。

單扼仁字。挈一章之主。即是

墨專重仁守。即此理也。以此見先民。

架通章之勢。故明吳因之元

看註之精。亦見考官衡文之識矣。

則善有諸已。

知及擇善也。仁守則善有

諸已得而。

而大本立矣。

截住大本。下轉小疵。

泣之不莊。動之不以禮。乃其

不失矣。

氣稟

貼不學問

貼不之小疵。

一開見其。非所重。

然亦非盡善之道也。

一

見其不。

故夫子歷言之。

括三節使知德愈全。

仁守則責愈備。不

容忽。

不可以為小節而忽之也。

上面截住大本。以下另轉小

是也。

末交養乃為學之全功也。仕與學事異而理同。而仕之理則

原於學。泣之不莊。動不以禮。乃容貌文為上事。非於理有違也。

故曰氣稟學問之。

子曰君子不可小知而可大受也。

小人不可大受而可小知也。

小疵。須善會之。

此言觀人兼君子之法知受是也此知我知之也自我測之受彼所

受也在彼任之知受二字兩段所同蓋君子於細事字未必可

不可故先拆出另解下方兩段分註觀而字材德補明受足以任受字大小人雖器量淺

狹補明不可而字亦未必無一長字小可取可字

子曰民之於仁也甚於水火水火吾見蹈而死者矣未見蹈仁而

死者也

民之於水火觀起民所賴以生不可一日無其於仁也亦然此

先挑解民之於仁於轉甚水火外物而仁在已無水火不

過害人之身不得而不仁則失其心不安於生亦是仁有甚於

水火而尤不可以一日無者也。逼出。轉求。甚字。二句。水火或有時蹈而

殺人。仁則未嘗殺人。未句。亦何憚而不為哉。未句之意。此但為民言其常理耳。若

殺身成仁。蹈仁而死有甚於生者。又當別論。李氏曰。此夫子勉人為仁之語。是此章正意。故

不列。下章倣此。圖外。

子曰當仁不讓於師

當仁以仁為己任也。書意全在當。雖師。創提師字。雖字。是字。故特註之。極言宜讓之人。亦無

所遜。順押不讓。亦字。是包盡。言當勇往而必為也。此句。註書意。不讓之理。此上註書面。言當勇往而必為也。此句。註書意。即上章勉人。

為仁。蓋仁者人所自有。所性之理。而自為之。閑存之功。非有爭語也。蓋仁者人所自有。分定於天。而自為之。絕不由人。非有爭

也。何遜之有。此又申言本。無可讓之理。程子曰。為仁在己。無所與遜。本。若

善名在外則不可不遜。章外意

子曰君子貞而不諒

貞正而固也。固亦必信然正則惟義諒則不擇是非而必於信

必信亦固也。然不擇是非則所信者失其正矣。是非通柱兩項。但貞字從理諒字從心。

子曰事君敬其事而後食

後與後獲之後同。謂絕不計及也。恐人作先後義看故特釋之。食祿也。君子之仕也。

仕則事有官守者脩其職有言責者盡其忠。官守有定職故曰脩其職言責無定

事故曰盡其忠故明瞿昆湖元墨則祇以大臣小臣分柱不拘註義矣。皆以敬貼其之事而已。

而已字截斷上不可先。不可先則後而置之矣。有求祿之心也。有心於祿便不可云

哉及也後字。

敬事。敬字做得懇到。則後食旨、包在內。而字一貫。非兩義也。

子曰有教無類

人性皆善。性本無類。而其類。反說有類。有善惡之殊者。氣。偏於陰陽。習。蔽於之。

染也。性本無類。是原其理。氣質有類。是言其弊。皆為教字蓄勢也。故君子有教。再轉有教。則人皆

可以復於善。性句。顧人而不當復論其類之惡矣。白文類字。單屬惡說。

子曰道不同不相為謀

為去聲

不同如善惡。道之發於事者。邪正。道之原於學者。之類。此道字。即韓子所云為虛位是也。然其不同中。

亦各有塗轍曲折在。故不曰事曰人。而曰道不同。下句非戒勉意。乃是直判其萬無可參互耳。後世於三教有歸一之名。於黃老托無為之治。此只是誑語耳。若相為謀。則仍判然不得其塗轍曲折也。上三字說得的實。下四字自不消費力。

子曰辭達而已矣

辭取達意

意字註達字之骨

而止

止字註已矣字之氣此句已註完句義

不以富麗爲工

富辭之博也麗辭之華也此句是反說意不達而辭不止之弊

師冕見及階子曰階也及席子曰席也皆坐子告之曰某在斯某

在斯見賢通反

師樂師瞽者

通章皆從瞽字生義

冕名再言

伏誦字階也席也亦皆言字

某在斯歷舉

在坐

兩斯字指坐言

之人

某字以詔之

即下文

師冕出子張問曰與師言之道與

與平聲

聖門學者於夫子之一言一動無不存心省察如此

師冕自見及出子張

備見其事亦備聞其言矣故問之須摹畫
示與冕景况並子張耳而目之景况乃妙

子曰然固相師之道也相去聲

相助也古者伏固字譬必有相其道如此註完蓋聖人於此非

作意而為之但盡其道而已申言固字尹氏曰聖人處已為

人其心一致無不盡其誠故也有志於學者求聖人之心於斯

亦可見矣范氏曰聖人不侮鰥寡不虐無告可見於此推之天

下無一物不得其所矣內註只拈道字以盡固字本義尹註則

就相字推之於外見其仁之周尹註言相
字之體范氏言相字之用此集註之義也

季氏第十六洪氏曰此篇或以為齊論以其皆書姓也凡十四章

季氏將伐顓臾

顓音專 史音俞

顓臾國名魯附庸也

冉有季路見於孔子曰季氏將有事於顓臾

見賢 遍反

按左傳史記二子仕季氏不同時

由仕季氏在定公十二年孔子為司寇時所謂仲由為季

宰將墮三都是也求仕季氏在哀公十一年孔子自衛反魯時所謂冉求為季氏宰左師與齊戰於清是也

此云爾

者謂節首並記

疑子路嘗從孔子自衛反魯

哀公十一年自衛反魯

再仕季氏

此則與求同仕季矣

不久而復之衛也

哀十四年知人要子路盟子路尚在魯哀十五年子路死於衛故云

仕季不久而復之衛也又按前篇侍坐則首子路冉有其又次也此不序齒而首書冉有則有事於顓臾者求事之也此書

法意也

孔子曰求無乃爾是過與與平聲

冉求為季氏聚斂是實據却也尤用事註句意故夫子獨責之還句

面。

夫顓臾者先王以為東蒙主在邦域之中矣是社稷之臣也

何以伐為扶夫音

東蒙山名先王封顓臾於此山之下使主其祭主字下落在魯

地七百里之中禮記封周公以曲阜之地七百里詩言乃命魯公俾侯於東錫之山川土田附庸是也此註在

邦域社稷謂魯社稷土穀之神命於王朝通於猶云公家作丘

公室所不及也此註社稷臣字義此下註社稷臣實意是時四分魯國季氏取其二孟孫

四書是手 下論卷之三 三

叔孫各有其一。皆不屬公家有。獨附庸之國尚為公臣。正貼社稷臣句。

季氏又欲。照下取取字。以自益。故孔子言顓臾乃先王封國。則

不可伐。伐之則犯分。在邦域之中。則不必伐。伐之則失援。是社稷之臣。則

非季氏所當伐也。伐之則悖義。拆末句伐字。納入上三項。真求其所以伐之者。而卒無以也。故曰何以伐為。

以上註完節義。以此事理之至。當不易之定體。而一言盡其曲折如此。非聖人不能也。

折如此。非聖人不能也。

冉有曰。季子欲之。吾三臣皆不欲也。

夫子指季孫冉有實與謀。伏末節謀字。承次節事字。以夫子非之。故歸咎於

季氏。包註節意。

孔子曰求周任有言曰陳力就列不能者止危而不持顛而不扶

則將焉用彼相矣任平聲焉於虔反相去聲下同

周任古之良史陳布也列位也相瞽者之相也言二子不欲承

欲則當諫陳力諫而不聽不能則當去也止字意通節俱周任

者蓋下節是不能者止之過不欲則諫却在陳力內包含之此節不補明則下節不去之過難以驟接矣故點明正意則下節

不去之脉易接

且爾言過矣虎兕出於柙龜玉毀於櫝中是誰之過與兕徐履反柙音獨

與平聲

兕野牛也柙檻也所以範櫝匱也所以藏言在柙而逸在櫝而

月書是下

毀典守者不得辭其過。本節句義此下則明二子居其位而不

去。單承不則季氏之惡。惡字與過字不同已不得不任其責也。上節周

相瞽夫子以為季非徒瞽也。真然虎兕龜玉耳。二子既典守而

不去。則是不能陳力而不止矣。可曰虎兕欲出而典守者不欲

出。龜玉欲毀而典守者不欲毀。遂可以謝其責耶。須得註承上鞭緊之意。

冉有曰。今夫顓臾固而近於費。季不取。後世必為子孫憂。夫音

固謂城郭完固。費季氏之私邑。此則冉求之飾辭。伏下為然亦

可見。以此言其實與季氏之謀矣。顧欲之節之線

孔子曰。求季子。季子自然之。而後之辭。夫音扶

欲之謂貪其利。意寡而欲

丘也聞有國有家者不患寡而患不均不患貧而患不安蓋均無

寡謂民少貧謂財乏均謂各得其分有國有家各安謂上下相

安有國有家咸有一體之情李氏之欲取承上欲字取字顓與患寡與貧耳先以患

到季氏為不轉不均季氏據國有餘而魯公無民

有國者民均不安作義然是時不安有國者不臣強有冢者事互生嫌隙

人不足則不均矣君弱能御下臣強皆罔上

彼此則不安矣此上只註患寡患貧不均不安不正解上二句

猜疑則不安矣看以上二句所以患不患之義在下三句則解

下三句正是解上均則不患於貧勾上文而和雖上文所無却

是均中所有和則不患於寡勾上文而安帶起安字安則不

故帶引出

相疑忌而無傾覆之患。

有國者長享其國。有家者世守其家。傾且永無而豈但無貧無寡哉。此所以不

患寡而患不均。不患貧而患不安也。下三句無貧不照上句跟安。無寡不照上句跟均。又添出和字。無傾字。作文殊費周折。但只照註承卸便是。均中自。然脉絡不煩生枝安排矣。

夫如是故遠人不服則脩文德以來之既來之則安之。

夫音扶

內治脩。

承均安和內字。襯遠字。

然後遠人服。

補說此層以圓故字則字之氣。

有不。服。則。脩。

德以來之。

文德乃均安和見於儀節聲容者。書言舞干羽是也。與征伐反對。安字已包來字內。以上註完句義。

亦不當勤兵於遠。

反映伐顓與。

今由舉也。相去于遠人不服而不能來也。邦分崩離析而不能

守也。

子路雖不與謀。伏謀字。而素不與謀者不與此伐顓臾之謀也。素字則泛指他事說。不能輔

相之以義亦不得為無罪。故并責之。通章俱專責求。惟此節遠字。

人謂顓臾分崩離析謂四分公室。家臣屢叛。此也。伏蕭牆之憂矣。

而謀動干戈於邦內。吾恐季孫之憂不在顓臾而在蕭牆之內也。

干楯也。戈戟也。蕭牆屏也。言不均不和。反承所聞節。內變將作。註完節意。

其後哀公果欲以越伐魯而去季氏。事在孔子歿後蓋哀公二十七年也。何暇伐顓臾哉。

○謝氏曰。當是時三家強。公室弱。冉求又欲伐顓臾以附益之。

謝氏拈欲字作章脉。夫子所以深罪之。為其瘠魯以肥三家也。洪氏曰。二

子仕於季氏。凡季氏所欲為。必以告於夫子。則因夫子之言而

僭上。此必然之勢也。然當是時。不但無西周之天子。亦並無東遷之伯長。徒以大夫專政。而天子諸侯皆拱手以聽。故庶人之清議起焉。豈好議哉。不得已也。

此夫子所以慨想有道也歟。

孔子曰。祿之去公室五世矣。政逮於大夫四世矣。故夫三桓之

孫微矣。扶夫音

魯自文公薨。公子遂殺子赤。立宣公。而君失其政。政在大夫也。不言祿而言

政。祿統於政也。歷成襄昭定。定公五年平子卒。既葬陽虎囚桓子。凡五公。祿去公室逮及

也。自季武子始專國政。季文子雖賂齊以定宣位。然勤勞恭儉相三君而無私積。故專政始自武子。

歷悼平桓子凡四世。政逮四世以季計。此上註完上兩段。而為家臣陽虎所執。

緊帶入末句。而字即故夫意。祿與政互文也。祿去公室則在季氏。政逮大夫則不在公室。五世四世者皆以末句微字推之。

也。蓋定之五年，陽虎囚桓子，所謂微也。外註所云定公時語者，亦以此。

三桓三家皆桓公之後補註

字義。此以前章之說推之自大夫出五世而知其當然也。○此

章專論魯事上章則通論天下之勢。疑與前章皆定公時語。以五世及微

蘇氏曰：禮樂征伐自諸侯出，宜諸侯之強也。而魯以失政以祿

自諸侯出政逮於大夫，宜大夫之強也。而三桓以微以微字承何也？

總正強生於安，安生於上下之分定。總正今諸侯大夫皆陵其上

則無以令其下矣。故皆不久而失之也。總反

孔子曰：益者三友，損者三友。友直、友諒、友多聞，益矣。友便辟、友善

柔、友便佞、損矣。便平聲，僻

婢亦反

益者三友，損者三友。友直、友諒、友多聞，益矣。友便辟、友善

柔、友便佞、損矣。便平聲，僻

婢亦反

益者三友，損者三友。友直、友諒、友多聞，益矣。友便辟、友善

柔、友便佞、損矣。便平聲，僻

婢亦反

益者三友，損者三友。友直、友諒、友多聞，益矣。友便辟、友善

柔、友便佞、損矣。便平聲，僻

婢亦反

友直則聞其過益在當下。友諒則進於誠此與下句進字。益在層累。友多聞則進

於明此皆能益我之所無者。便習熟也夾註字義。便辟謂習於威儀而不直反

字。則過善柔謂工於媚說而不諒反諒字則無以進於誠。佞諂謂習於口

語而無聞見之實反多聞則無以進於明。三者損益正相反也。

損益字首二句總提。下兩扇分繳。然所以損益之實。尹氏曰。則在中六句。故註只實註中六句。而首末句義已備。

自天子以至於庶人。未有不須友以成者。先總提。而其損益入次

損益有如是者。括中兩扇。可不謹哉。三益。綿人以理。故易疎。三損。昵人以欲。故易親。所以不可不謹。

孔子曰。益者三樂。損者三樂。樂節禮樂。樂道人之善。樂多賢友。益

矣。樂驕樂。樂佚遊。樂宴樂。損矣。樂五教。反禮樂之樂音。岳驕樂宴樂之樂音洛。

節謂辨其制度

禮聲容之節

節本死字連樂字則死活參半

之活

字也。驕樂則侈肆

侈肆是驕

而不知節

反上節禮

佚遊則惰慢

惰慢是佚

遊損人處

而惡聞善

反上道人

宴樂則淫溺

淫溺是晏

而狎小

人反上多賢

反之益

三者損益亦相反也

三益理也人情易憚其拘三損欲也人情易喜其肆故亦

立

○尹氏曰君子之於好樂可不謹哉

孔子曰侍於君子有三愆言未及之而言謂之躁言及之而不言謂之隱未見顏色而言謂之瞽

君子有德位之通稱愆過也瞽無目不能察言觀色○尹氏曰

時然後言

推補中三段

則無三者之過矣

反括中三段下截之弊

孔子曰：君子有三戒。少之時，血氣未定，戒之在色；及其壯也，血氣

血氣

此二字是三眼中公字，故挑出另註。

形之所待以生者，血陰

為榮

而氣陽也

為衛

人身非

得貪得也，隨時

括少壯老

知戒

括三戒之

以理勝之

補明戒之之實

則不

為血氣所使也

倒綴未定方剛既老

○范氏曰：聖人同於人者，血氣也，異

於人者，志氣也

所以戒處內註以理言，范註以志言，二者相類。

血氣有時而衰，志氣則

無時而衰也

以上統說血氣字，戒字。

少未定壯而剛老而衰者，血氣也

拆說

戒於色，戒於鬪，戒於得者，志氣也

拆說

君子養其志氣，故不

為血氣所動

合說三戒以制血氣，是三戒功夫。

是以年彌高而德彌邵也

此則三戒

之效也。○內註言理以御氣范註言志以帥氣兩說皆戒字實義可專用亦可並用也。

孔子曰君子有三畏天命畏大人畏聖人之言

畏者嚴憚之意也

畏字三句所同故拆出通釋之

天命者天所賦之正理也

先提

天○知其可畏

次合畏字知字則照下節補出

則其戒謹恐懼自有不能已者

畏字

義

而付畀之重可以不失矣

上從天命說到畏此從畏字綴到天命

大人聖言

雙扣

皆天命所當畏

並跟天命

知畏天命

照下節

則不得不畏之矣

括下二句兩畏

字。白文三平。註則側貫乃是照下節註上節也。文有照上下文之意立本題之局者。即此義也。

小人不知天命而不畏也狎大人侮聖人之言

侮戲玩也不知天命

單。側領。故申。

不識義理

大人聖言皆統於天命之義理

而無所

忌憚括狎侮如此。○尹氏曰三畏者脩己之誠當然也。見非有威迫震懾之

者。小人不務修身誠已則何畏之有。內註以天命串下兩項照次節白文也。尹註以修己

正反總括則兩節平對矣。

孔子曰生而知之者上也學而知之者次也困而學之又其次也困而不學民斯為下矣。

困謂有所不通言人之氣質不同大約有此四等。內註四項平說。○楊

氏曰生知學知以至困學雖其質不同然及其知之一也故君

子惟學之為貴。楊註截住上三項側重學字。困而不學然後為下。另跌末段。生知固

上然學知困知但次於上不遽下也。困而不學斯為下矣。則重學字轉落末段此楊註意也。文家多主楊註以避內註四平之

也。

孔子曰：君子有九思：視思明，聽思聰，色思溫，貌思恭，言思忠，事思敬，疑思問，忿思難，見得思義。

難去聲

視無所蔽。思以去其外之蔽。則明無不見。聽無所壅。思以徹其內所壅。則聰無

不聞。色覓於面者，貌舉身而言。溫恭字前已註過。思問則疑不蓄。思難

則忿必懲。思義則得不苟。內註所云思字皆思之效也。思之功則外註詳之。○程子曰：

九思各專其一。釋有字。有者非槩有，亦非混有也。各專其一，則非出位之思。謝氏曰：未至於

從容中道矣。從容中道，則不思而得矣。此句是觀思字之分。無時而不自省察也。省察思也。未，來

思以盡其理已至，思以致其宜。此句正註思之功。雖有不存焉者寡矣。謂存義理，此句說思之效。此

之謂思誠。總斷九思分位。以切君子字。此君子是誠之者之人道。然能此則亦可至不思而得之天道也。程謝兩註

皆是總發思字。

孔子曰見善如不及見不善如探湯吾見其人矣吾聞其語矣。探吐

南反

真知善惡而誠好惡之。

一語註上二句。善惡字雙括。善不善誠。奸括如不及。誠惡括如探湯。真知則又

補足兩見字。圓義。

顏曾閔冉之徒蓋能之矣。

此是朱子証見字。勿入行文。

語蓋古語

也。上二句便是古語。

隱居以求其志行義以達其道吾聞其語矣未見其人也。

求其志守其所達之道也。

串下句。隱居求行道也。以求志。則守其所行之道而用講於體。達其

道行其所求之志也

串上句。行義非隱居也。以達道。蓋惟伊尹

太公之流可以當之

其人

已往。當時若顏子亦庶乎此然隱而未見

又不幸而蚤死

其人

故夫子云然

此上是朱子証未見字亦勿入行文。上二句亦古語也

齊景公有馬千駟死之日民無德而稱焉伯夷齊餓于首陽之

下民到于今稱之

駟四馬也首陽山名

其餘句義自明章意已結在末節故不再註

其斯之謂與

與平聲

胡氏曰程子以為第十二篇錯簡誠不以富亦祇以異當在此

章之首今詳文勢似當在此句之上言人之所稱不在於富而

在於異也。

日誠曰祇平駟不能示餓夫不得辭見欲富之私情終不敵懿好之至性也。

愚謂此說近

是而真言當有孔子曰字蓋闕文耳大抵此書後十篇多闕誤

陳亮問於伯魚曰子亦有異聞乎

亢音剛

亢以私意窺聖人。

是問之語意。

疑必陰厚其子。

是問之語氣此句反伏適其子。

對曰未也嘗獨立鯉趨而過庭曰學詩乎對曰未也不學詩無以言無退而學詩

事理通達而心氣和平故能言。

言事言理言盡於此矣根於心而達於氣言由乎此矣事理通

達則言無踟滯心氣和平則言不躁率所以能言。

他日又獨立鯉趨而過庭曰學禮乎對曰未也不學禮無以立鯉

退而學禮

品節詳明而德性堅定故能立

品節詳明則外有所範而不亂德性堅定則內有所守而不搖

所以能立

聞斯二者

當獨立之時所聞不過如此

未也兩字已答得意盡語竭矣嘗

雙結却不再贅未字意此是聖嗣立言藉處朱子欲盡句義則分註學詩能言學禮能立於上節欲肖神氣則從兩個獨立統赴語脉於此句實理虛神兩無所遺此集註之妙也讀者逐節分看而不意逆其脉理宜其貪講章之煩而厭集註之簡也噫若知集註之所以其無異聞可知此句則朱子補我未也之意也

陳亢退而喜曰問一得三聞詩聞禮又聞君子之遠其子也遠去聲

尹氏曰孔子之教其子無異於門人故陳亢以為遠其子又字是於

上二聞之中又得所聞於二聞之外乃意拙而

故為巧語也癡處乃其慧處慧處正是癡處

邦君之妻君稱之曰夫人夫人自稱曰小童邦人稱之曰君夫人

稱諸異邦曰寡小君異邦人稱之亦曰君夫人

寡寡德謙辭

首四字標綱君稱之一頭正名自君始也夫人自稱則因君而卑之邦人之稱則因君而尊之此兩

弱也稱諸異邦則因吾君之謙而亦謙異邦之稱則因吾邦之

尊而亦尊此又兩弱也上下內外稱名不苟如此正其名所以

責其實也又安有並后

四嫡以妾為妻之患哉

凡語中所載如此類者不知

何謂或古有之或夫子嘗言之不可攷也

提耳下論
卷之三終

四書章句

耿堞手著

陽貨第十七

凡二十
六章

陽貨欲見孔子孔子不見歸孔子豚孔子時其亡也而往拜之遇

諸塗歸如字
一作饋

陽貨季氏家臣名虎嘗因季桓子而專國政也所謂陪臣執國命

貨之故亦定公初年孔子不為政之由也此上註陽貨欲令孔子來見已註欲見句而孔子不

往許不見句
伏下往字貨以禮大夫有賜於士不得受於其家則往拜其

門故瞰孔子之亡而歸之豚此上據孟子註
歸豚句之由欲令孔子來拜而

見之也此註歸豚之意下文孔子亦
是瞰亡註拜也故不復註

謂孔子曰來予與爾言曰懷其實而迷其邦可謂仁乎曰不可好
 從事而喪失時可謂知乎曰不可日月逝矣歲不我與孔子曰諾
 吾將仕矣好亟知並去聲

懷寶迷邦謂懷藏道德不救國之迷亂亟數也失時謂不及事

幾之會將者且然而未必之辭貨語截括皆譏孔子括可謂仁貨語

而諷使速仕語倒入仕字括逝孔子固未嘗如此兩不可之意而亦

非不欲仕也誥字仕字之意但不仕於貨耳將字意故直據理答之截括

不復與辯若不諭其意者推註夫子語意○陽貨之欲見孔子雖其

善意然不過欲使助已為亂耳此上提明陽貨欲見之意此下分叙孔子應之之意故孔

子不見者義也。其往拜者禮也。必時其亡而往者欲其稱也。遇諸塗而不避者不終絕也。隨問而對者理之直也。對而不辯者言之孫而亦無所詘也。逐段分疏見聖人時措之宜。饒氏又推出不終絕是仁隨問而對對而不辯是智四者皆出於誠是信於一事而見全德其說亦善。

楊氏曰楊雄謂孔子於陽貨也敬

所不敬為詘身以信道非知孔子者蓋道外無身身外無道身

詘矣而可以信道吾未之信也

子曰性相近也習相遠也

此所謂性

與中庸天命謂性孟子言性善異彼皆以理言也

兼氣質

氣稟於陰陽質在於形骸兼則理雜

於氣質者

而言者也氣質之性

兼言

固有美惡之不同矣

謂清濁醇雜尤反觀然

四書校注 言分又四

以其初而言謂未染於習者則皆不甚相遠也以下句遠字。但習於善

則善必不為惡習於惡則惡必不復善於是始相遠耳○**程子曰**此言氣

質之性非言性之本也若言其本則性即是理理無不善孟子

之言性善是也何相近之有哉

子曰唯上知與下愚不移知去聲

此承上章而言人之氣質相近之中通計知愚相近以又有轉起唯字上字下字

美上知惡下愚一定不移之意而非習之所能移者不習不能移則氣質

一定故也外証是言暴棄者不肯移耳雖意足警人却與內証

少戾此語施之孟子自暴章為允若此章則宜但主內証則醒

唯字見此外皆可以習○**程子曰**人性本善有不可移者何也

性則皆善也語其才則有下愚之不移所謂下愚有二焉

語其性則皆善也語其才則有下愚之不移所謂下愚有二焉
自暴自棄也人苟以善自治則無不可移雖昏愚之至皆可漸
磨而進也惟自暴者拒之以不信自棄者絕之以不為雖聖人
與居不能化而人也仲尼之所謂下愚也然其質非必昏且愚
也往往強戾而才力有過人者商辛是也聖人以其自絕於善
謂之下愚然考其歸則誠愚也或曰此與上章當合為一子曰
二字蓋衍文耳

子之武城聞弦歌之聲

弦琴瑟也

樂中絲音歌則人聲也

時子游

伏子游

為武城宰

影割雞

以禮樂為

教伏道字故邑人伏君子皆弦歌也。

夫子莞爾而笑曰割雞焉用牛刀莞華版反

莞爾小笑貌蓋喜之也截斷首句之貌因言貼曰字伏其游指子

治小邑貼割何必用貼焉此大道也貼牛

子游對曰昔者偃也聞諸夫子曰君子學道則愛人小人學道則

易使也易去聲

君子小人以位言之子游所稱蓋夫子之常言言君子小人括截

兩皆不可以不學統包學字故武城雖小亦必教以禮樂補道也

節

二三子偃之言是也前言鳳之有

嘉子游之篤信

上句

又以解門人之惑也

下句

○治有大小而

其治之必用禮樂則其爲道一也

空說禮樂

但衆人多不能用

反觀而子游獨行之

正貼弦故夫子驟聞而深喜之

荒爾因反其

言

昔者

以戲之

割雞而子游以正對

其言而自實其戲也

公山弗擾以費畔召子欲往

弗擾李氏宰

費

與陽虎共執桓子據邑

費以叛

費季之所恃以

季弱而公室可張矣且弗擾不名叛黨而名孔子想見當時皆以孔子爲重然孔子於陽貨不見於弗擾欲往考哀十二年弗

擾與叔孫輒俱奔吳。吳欲伐魯。叔孫輒對吳子曰。可伐弗擾責之曰。君子不以私怨覆宗國。且帥師由武城險道以紓魯難。則其存心異於陽貨可見矣。

子路不說曰。未之也。已何必公山氏之也。說音悅

未無也。言道既不行。補未之之意。伏下註道字。無所往矣。註未之之面。何必公山

氏之往乎

子曰。夫召我者。豈徒哉。如有用我者。豈為東周乎。夫音扶

豈徒哉。言必用我也。先伏用我蓄。如有之氣。為東周言興周道於東方。費與

魯何關。魯與周何關。而遙則有定體。而無定用。集註拈出道字。乃為字根。抵也。外註。即張氏意。脩見佛肸章。故此章不詳註。

欲往然而終不往者。知其必不能久也。人亦無不可改過之人。

故欲往然而終不往者知其必不能改故也

子張問仁於孔子孔子曰能行五者於天下為仁矣請問之曰恭寬信敏惠恭則不侮寬則得衆信則人任焉敏則有政惠則足以使人

行是五者則心存而理得矣於天下言無適而不然猶所謂雖

之夷狄不可棄者

仁以體言心之德也以用言事之理也行是五者而無適不然則心之德常存而事之理

皆得故為仁白文一氣說下註亦一氣承接非有兩層也章意重能行句故註詳釋之下文目只完得五者效只完得能行非

有別

義五者之目蓋因子張所不足而言耳

括註五月

任倚仗也又言

其效如此

括註五效

○張敬夫曰能行此五者於天下則其心公平

即心而周徧。即理存意。可知矣。然恭其本與敏惠心理之接於人也。故恭為四者之本。

李氏曰此章與六言六蔽五美四惡之類皆與前後

文體大不相似

佛肸 **子曰欲往**

佛音弼肸許密反

佛肸晉大夫趙氏之中牟宰也

佛肸音大夫趙氏亦晉大夫也趙以大夫宰私邑非身為不善

乎故肸叛趙末可謂叛晉也

子路曰昔者由也聞諸夫子曰親於其身為不善者君子不入也

佛肸以中牟畔子之往也如之何

子路恐弗往之免。此字近切入字。夫子。此句推問故問此以止

夫子之行語之面。親猶自也。不入不入其黨也。上已註完節意。此則補註

字義

也。

子自然有是言也。不曰堅乎磨而不磷。不曰白乎涅而不緇。磷力

涅乃

結反

磷薄也。涅染皂物。言人之不善。

承上文不善。貼。不能挽已。應上本節磨涅意。

字。貼本節不

磷不溜意。

楊氏曰。磨不磷。涅不緇。而後無可無不可。堅白不

足。而欲自試於磨涅。其不磷緇也者。幾希。

上註專言正義。楊註則就喻意歸重堅白

也。若堅白不足。則仍宜以子路

所聞不善不入。為守身之常也。

吾豈匏瓜也哉。焉能斂鬚不食。

焉於虔反

匏瓠也。匏瓜繫於一處。繫則無可移。而不能飲食。不食則無所知。人則不如

是也。豈字焉字意。春秋時斷無不磨不涅之地。以待聖人之入。不知聖人之堅白。而但懼世人之磷緇。則為繫而不食

之匏瓜矣。聖人豈為是哉。然苟堅白不足。則與其磷緇。無寧匏瓜也。故大賢以下終以子路之言為正。○張敬夫

曰。子路昔者之所聞。君子守身之常法。夫子今日之所言。聖人

體道之大權也。各還分際。兩判屹如山立。然夫子於公山佛肸之名。皆欲往

者。以天下無不可變之人。無不可為之事也。道中之存。其卒不往者

知其人之終不可變。而事之終不可為耳。道中之智。一則生物之仁

不擇物而生。一則知人之智也。必因材而施。○張註。意精理濶。宜細玩之。

子曰。由也。安聞六言六蔽矣。平對曰。未也。女音汝。下司。

蔽遮掩也。掩則不見六言之全體。

居語文

語去聲

禮君子問更端則起而對。上節對字內藏起字故。故孔子諭子

路使還坐。居而告之。
字。語文。

好仁不好學其蔽也愚。好知不好學其蔽也蕩。好信不好學其蔽也賊。好直不好學其蔽也絞。好勇不好學其蔽也亂。好剛不好學其蔽也狂。
好知並去聲。

六言。頂六言截括在。皆美德。一揚為下。然。然字養藝。抑。抑。徒好之。截括六而。

不學。截括六箇。以明其理。補出學字實義。則各有所蔽。截括愚。
不。好學。
為蔽字伏脉。
蕩賊絞。

亂狂。以上三句已註完節意。下文則補註字義也。

愚若可陷可罔之類。蕩謂窮高極廣。

而無所止。賊謂傷害於物。

兼人已大小事類言。故但曰物。

勇者剛之發。

屬氣發於人。

剛者勇之體。

屬質稟於天。

狂躁率也。

非狂狷義也。故另註之。

○

范氏曰

子路勇

於為善其失之者未能好學以明之也。故告之以此曰勇曰剛。

曰信曰直又皆所以救其偏也。

子曰小子何莫學夫詩。

夫音扶。

小子弟子也。

詩可以興。

或發志意。謂好善惡惡之志意。志者心之所之意者。

可以羣

考見得失有美有刺見詩人之得失以古証今見吾身之得失

可以羣

和而不流和以處衆情也學詩則有以範其情矣故不流

可以怨

怨而不怒怨情之逆也學詩則情中其節故不怒

邇之事父遠之事君

人倫之道詩無不備包說五倫一者舉重而言單貼君父○詩無遠邇邇之遠之指學詩

說者

多識於鳥獸草木之名

其緒餘又足以資多識。學詩以為已也。以修德也。博物非其所急。然其緒之餘者。則又足以資人如此。

○學者孤居一室。鳥獸草木有終身下及聞見者矣。惟詩合數千年。合十五國。而各舉其物名。則所識豈必待聞見哉。

學詩之法。此章盡之。讀是經者所宜盡心也。

子謂伯魚曰。女為周南召南矣。人而不為周南召南。其猶正牆

面而立也。與。女音汝。與平聲。

為猶學也。周南召南詩首篇名。所言皆脩身齊家之事。人而為此。則明

德新民之道。具是矣。凡所知行。皆本於此。正牆面而立言。即其至近之地。切而一物

無所見。牆蔽之。一步不可行。牆阻之也。貼行。下二句言不為。

子已禮三禮三序五乎哉樂三樂三鐘鼓云乎哉

敬敬禮之本也而將之以玉帛玉帛禮之末也敬而將之則由本及末矣則為禮和之本

也而發之以鐘鼓鐘鼓樂之末也和而發之亦由本及末也則為樂此上先註禮樂實義此下方註

通章遺其本補說而專事其末玉帛則豈禮樂之謂哉云乎哉

之氣此見敬和為禮樂之本外註又見禮為樂之本也程子曰禮只是一箇序樂只是

一箇和只此兩字含蓄多少義理天下無一物無禮樂且如置

此兩椅一不正便是無序無序便乖乖便不和又如盜賊至為

不道然亦有禮樂蓋必有總屬必相聽順乃能為盜不然則叛

亂無統不能一日相聚而為盜也禮樂無處無之學者要須識

得

子曰色厲而內荏譬諸小人其猶穿窬之盜也與

荏而審反與平聲

厲威嚴也

與荏字相反

荏柔弱也

與厲字相反白文却以一而字貫串色內字活畫出作偽小象小

人細民也

反映有侯之人引卸盜字

穿穿壁窬踰牆言其無實盜名而常畏

人知也

合正意註猶字○譬以小人小人亦有不為盜者不相猶也譬以小人中之盜盜且有不屑穿窬者亦不相猶

也惟小人中穿窬之盜鼠竊狗偷而常恐人知則色厲而內荏者有同心矣故譬而猶之一氣遞下嚴於鉄鉞之誅

子曰鄉原德之賊也

鄉者鄙俗之意

單註鄉字

原與愿同

單註原字

蓋其同流合汙以媚於世故在鄉

鄉原即人之惡者也

合註鄉字

蓋其同流合汙以媚於世故在鄉

人之中獨以愿稱此註鄉原行狀夫子以其似德非德而反亂

乎德故以為德之賊賊者陰害之意非德不足以亂德則不足以害德似德實非德而人且以愿稱之則

相率而皆悖乎德矣而深惡之此句總推章意也

詳見孟子末篇

子曰道聽而塗說德之棄也

雖聞善言道聽字善言則引德字不為已有塗說字不已有則引棄德是自棄其德也

聽字無病說字亦無病惟道聽塗說則只是道聽道說塗聽塗說無以有諸已矣故曰德之棄○道與塗皆路名○王

氏曰君子多識前言往行以畜其德言內畜則不徒說矣

聽塗說則棄之矣內註舍棄德於上句如白文反說外註提德字於上句先正後反其義一也

子曰鄙夫尚與事君也哉與平聲

鄙夫庸惡陋劣之稱。庸則才不敏惡則性暴戾此從乎氣陋則無恥劣則無志此從乎習。

其未得之也患得之既得之患失之

何氏曰患得之謂患不能得之。補圓語意。

苟患失之無所不至矣

小則吮癰舐痔大則弑父與君。雨則字說他所至小皆生於患

失而已。○胡氏曰許昌靳裁之。今許州靳家岩有言曰靳氏非

胡氏謂其言足以發明章意故引之。且白文及內誥但言得失而未言得失者何物靳氏則一言以蔽之曰富貴而已矣。此集

註之。序也。士之品大槩有三志於道德者功名不足以累其心。伯夷

志於功名者富貴不足以累其心。伊尹是也此兩項乃士品

於言前見而己者則亦無所不至也。此二句無心於富貴耳。志

於富貴而已者則亦無所不至矣志於富貴卽孔子所謂鄙夫

也。事君自必富貴鄙夫則得亦患失亦患與之事君則道德功名兩無所處而或陷身於不義矣下二節只完得首句之意

子曰古者民有三疾今也或是亡也

氣失其平則爲疾。先註疾字本位故氣稟之偏者亦謂之疾。次註此章疾字名義

氣之失平其疾由於人爲。氣稟之偏其疾原於天賦昔所謂疾今亦亡之。以上註傷俗之

益衰也。此句註節意。俗習俗也。古疾原於天。今疾泰以人是字中寓多少慨嘆矣。

古之狂也肆今之狂也蕩古之矜也廉今之矜也忿戾古之愚也

直今之愚也詐而已矣

狂者志願太高。此狂疾之咎也肆謂不拘小節。古狂疾之實蕩則踰大閑矣。

今亡古。矜者持守太嚴。此矜疾之名也。廉謂稜角峭厲。古矜疾之實。忿戾則

至於爭矣。今亡古。愚者暗昧不明。此愚疾之名也。直謂徑行自遂。古愚疾之

實。詐則挾私妄作矣。今亡古。愚之故。○范氏曰：末世滋偽。疾者古人率其氣稟之直

滋偽則今人染於習俗之私矣。豈惟賢者不如古哉？賢在學養。固無望於今矣。民性之蔽。蔽在

氣稟何分今古。亦與古人異矣。跌出疾字。以見滋偽之弊。

子曰：巧言令色鮮矣仁。重出

子曰：惡紫之奪朱也，惡鄭聲之亂雅樂也，惡利口之覆邦家者。去惡

聲覆芳服反

給。三。南方離。利。北方坎水。雜以南方離。推正也。利口捷。

給前註伊為弄給此註利口為捷給則騰口說以亂是非不僅辯給矣覆傾敗也內註註字章意則外註詳之

○范氏曰天下之理理字正字是聲言之骨正而勝者常少不正而勝者

常多聖人所以惡之也總註三句利口之人以是為非以非為是失制

事之以賢為不肖以不肖為賢失衡人人君苟悅而信之則國

之覆也不難矣用八行政皆錯安得不覆此上單註末句則上輕下重格也

子曰予欲無言

學者多以言語觀聖人影于貢先提言字而不察其天理流行

之實影時行物生有不待言而著者影兩個可訖是以徒得其言而不得

其所以言申說以言觀之失故夫子發此色全句以警之註全句之意

子貢曰子如不言則小子何述焉

子貢正以言語觀聖人者

應上節註

故疑而問之

括註本節

子曰天何言哉四時行焉百物生焉天何言哉

四時行百物生莫非天

應首節註

註完本節之義

聖人一動一靜莫非妙道精義之發亦天而已豈待言

而顯哉

首節註夫子影入天道末節註天道合到夫子夫子天理流行不待言而已著天則天理發見不待言而可見

兩相印照則天即子子即天也只是箇無隱之意

此亦開示子貢之切惜乎其終不喻

也○程子曰孔子之道譬如日星之明猶患門人未能盡曉故

曰予欲無言皆顏子即更默識其他則未免疑問故曰小子何

述又曰天何言哉四時行焉百物生焉則可謂至明白矣

述又曰天何言哉四時行焉百物生焉則可謂至明白矣愚按此與前篇無隱之意相發學者詳之

孺悲欲見孔子孔子辭以疾將命者出戶取瑟而歌使之聞之

孺悲魯人

居同地

嘗學士喪禮於孔子

道相謀則見孔子固其嘗矣此先反襯不見

當

是時必有以得罪者

此方正轉不見之意

故辭以疾

次

而又使知其非疾

末三

以警教之也

註章意

程子曰此孟子所謂不屑之教誨所以

深教之也

無可見而有可聞不教之教也

宰我問三年之喪期已久矣

期音基下同

期周年也

三年之喪古制也此句截斷下句是言期年已久不必三年也下二節一承三年之喪言其廢檢身之制

一承期亦久言其徐天運之周三節賓主相承皆言不必三年而期年可已之故只此已露不仁之隱矣。

君子三年不為禮禮必壞三年不為樂樂必崩

恐居喪不習而崩壞也。照下聞樂不樂二句對看。

舊穀既沒新穀既升鑽燧改火期可已矣。鑽祖官反

沒盡也。升登也。燧取火之木也。改火春取榆柳之火。春屬木。木色青。故取

火於此木。夏取棗杏之火。夏屬火。火色赤。棗杏

火於此木。四時配以五行。春木夏火秋金冬水土雖王於四季而未月

則土之正位。記云中央土是也。故季夏復有所取以備五行

之數。○季夏屬土正位。土色黃。桑柘色黃故取火於此木。秋取柞櫟之火。秋屬金。金色白。柞

此冬取槐檀之火。亦一年而周也已止也。冬屬水。水色黑。槐檀

以下分註句義
亦一年而周也已止也言期年倒領則天運一

周時物皆變穀因時變而沒升喪至此可止也尹註於宰我有

言三年不為禮樂則是期喪之內禮壞樂崩戚情守制可知較

之後世雖衰麻三年而身親宴樂食肯聞樂居處坦然者固不

侔矣此意似可出脫宰氏若其短喪不

仁夫子已明判定固不能為之諱也

尹氏曰短喪之說下愚

且恥言之宰我親學聖人之門而以是為問者有所疑於心而

不敢強焉爾

子曰食夫稻衣夫錦於冬安乎曰安夫音扶下同衣去聲女音汝下同

禮父母之喪既殯三日而殯食粥食字麤衰衣字既葬疏食水飲食字受以

成布衣字此上皆是陪引期而小祥此段方始食菜菹食字練

此下方切期字勿並用

冠纁緣要經不除

衣字

無食稻衣錦之理

上言禮王者之制也此言理人心之仁也

上分叙衣食此句總束

夫子欲宰我反求諸心自得其所以不

衣食以蓄問語之勢

忍

求節仁字是也此上先推夫子發問之意

故問之以此

此句括註問語之面

而宰我不察

也註曰安然已伏出字景相矣

多矣則爲之夫君子之居喪食不甘聞樂不樂居處不安故不爲也樂上如字

此夫子之言也

節首無曰字故補註之然所以無曰字者乃自是記者形容夫子急口棄絕之狀非闕文也

亦甘也初言女安則爲之絕之之辭

首句氣急語促宜冷定又另接下文方合註意

發其不忍之端

不甘四句只是個不忍以警其不察而再言女

安則爲之以深責之而語緩矣。

案我出子曰之不仁也。子生三年然後免於父母之懷。夫三年之喪。天下之通喪也。豈也有三年之愛於其父母乎。

宰我既出。

緊引下截。

夫子懼其真以爲可安而遂行之。

此推下截發言之意。故

深探其本。

不仁是也。

而斥之言由其不仁。故愛親。

仁主於愛。愛親則仁矣。反以起愛字。

故末句

之薄如此也。懷抱也。又言。

不仁句截斷。此下言喪必三年之故。祇是一意。故以又言

界畫

君子所以不忍於親。

跟仁字。應前註不忍字。

而喪必三年之故。

括註子生

三年至末

使之聞之。或能反求而終得其本心也。

不忍之仁是也。○范

氏曰。喪雖止於三年也。

制也。然賢者之情則無窮也。

仁也。特以聖人爲

之中制而不敢過故必俯而就之非以三年之喪為足以報其

親也。三年之喪是先王之制終身之喪乃人子之情范註例提仁字說到終身之喪難酬三年之懷懇惻之甚此是章

外意所謂三年然後免於父母之懷特以責宰我之無恩欲其有

以跛而及之爾。此是末節義

子曰飽食終日無所用心難矣哉不有博奕者乎為之猶賢乎已

博局戲也奕圍碁也。兩者亦必用心已止也李氏曰聖人非教而後決勝負

人博奕也所以甚言無所用心之不可爾。從下二句倒通無所用心句

子路曰君子尚勇乎子曰君子義以為上君子有勇而無義為亂

小人有勇而無義為盜

也君子為亂小人為盜皆以立而後言者也

尚。上之也。君子為亂。小人為盜。皆以位而言者也。上兩君子以

與小人對。故以位字別之。此尹氏曰。義以為尚。則其勇也大矣。

上註字義。此下則章意也。此句粘聯勇字。義意精深。內省不疚。而無憂懼。自反能縮。

而敵萬人。浩然之氣。生於集義。皆此理也。自宜包勇字說。子路

好勇。故夫子以此救其失也。**胡氏曰**。疑此子路初見孔子時問

答也。

子曰。君亦有惡乎。子曰。有惡。惡稱人之惡者。惡居下流而誹

上者。惡勇而無禮者。惡果敢而窒者。惡去聲下同。唯惡者

誹。諷。其非。毀也。顯揚其短。窒不通也。稱人惡。則無仁厚之意。下訕上。

則無忠敬之心。勇無禮。則為亂。果而窒。則妄作。每句上下分折。則無害而字合。

串則兩傷此先
分註可惡之實故夫子惡之
此則總點惡字之面也

曰賜也亦有惡乎惡微以為知者惡不孫以為勇者惡託以為直

者微古堯反知孫並去聲許居謁反

惡微以下子貢之言也補下截微伺察也許謂攻發人之陰私

○楊氏曰仁者無不愛則君子疑若無惡矣子貢之有是心也

故問焉以質其是非預挈下節有惡之對以引上節君侯氏曰

聖上賢下之所惡如此上節聖人之惡惡其顯然悖德下節賢

於好所謂唯仁者能惡人也
兩節中者字皆指人說

子曰唯女子與小人為難養也近孫

子曰唯女子與小人為難養也

止小人力謀僕射下人也非个非德與女子君子之於臣人妾

女○莊以涖之○禮以御之則○慈以畜之○仁以撫之則○無二者之

患矣○白文下二句○即二者之患也○二者即所謂難養也○正而自

而難養者亦易養矣○此所謂註意不註字也

子自年四十而見惡焉其終也已惡去聲

四十成德之時○致知力行至四十而理見惡於人則止於此而

已○註完句義○年過四十則氣衰血弱知無勉人及時遷善改

過也○申結章意○蘇氏曰此亦有為而言不知其為誰也

微子第十八○此篇多記聖賢之出處凡十一章

微子去箕子爲之奴比干諫而死

微箕二國名

註微字箕字見其分殷之土

子爵也

註兩子字見其列殷之爵

微子紂庶兄

雖庶而兄見

箕子比干紂諸父

叔父伯父見本所延上註國註爵貴也次註兄諸父戚也所謂

貴而且戚與異姓之臣不同也此上註字義此下註句義

微子見紂無道去之以存宗祀

仁在去字內

箕子比干皆諫

先並提下再分註

紂殺比干

註死字有個仁在死字內

囚箕

子以爲奴箕子因佯狂而受辱

不死不去囚以爲奴而遂爲之奴有個仁在奴字內白文次

箕子終比干而註則次比干終箕子從史記也然行文仍宜以此節白文爲正蓋兩人皆諫紂則囚箕子以爲奴殺比干以死耳

孔子曰賢有三焉

三人行不同

此句有上上如列以才同之行。跌出仁則同理。

而同出於至誠心之惻

怛愛之

之意故不拂乎愛之理

盡乎仁之用。

而有以全其心之德也。

全乎仁之體。就行上斷他心體故註以愛之理居前行似有

所不愛而實不拂乎愛之理故能全其心之德也。不曰紂有

而曰殷有見六百載宗祚長留於三人之心紂不得而有之亦周不得而有之也。

楊氏曰此三人者各

得其本心故同謂之仁

本心者至公無偽之良心也。通章上案下斷孔子曰三字具多少氣勢。

柳下惠為士師三黜人曰孺可以去乎曰直道而事人焉往而

不三黜枉道而事人何必去父母之邦

三去聲焉於虔反

士師獄官

得以諫刑罰之不中者此便是直字黜字之根

黜退也柳下惠三黜不去

括

三而其辭氣雍容如此可謂和矣

括下四句此上已註完語然氣此下則申解語意也

其不能枉道之意則有確乎其不可拔者。寧黜不去便見是則

所謂必以其道而不自失焉者也。所謂介也。此註畧貼題氣

貌取神者是也。三蘇有此筆力無此骨理。○胡氏曰此必有孔子斷之之言而亡之

矣

齊景公待孔子曰若季氏則吾不能以季孟之間待之曰吾老矣

不能用也孔子行

魯三卿季氏最貴孟氏為下卿孔子去之事見世家昭公時然

此言括兩曰字上段曰字禮貌孔子之言下段必非面語孔子

蓋自以告其臣上截言而孔子聞之爾下截行○程子曰季氏

強臣君待之之禮。此字是待字下落。謂交際非權位也。極隆。然非所以待孔子也。

以孟季之閒待之。則禮亦至矣。然復曰吾老矣不能用也。故孔

子去之。反乎。蓋不繫待之輕重。特以不用而去爾。程註輕上截重下截。行字

單承不用一邊。

齊人歸女樂季桓子受之三日不朝孔子行。歸如字或作饋朝音潮

季桓子魯大夫名斯。按史記定公十四年孔子為魯司寇攝行

相事。齊人懼歸女樂以沮之。此上叙歸女樂之由。此下註受之之失。與遂行之故也。歸者順而

還之之意。春秋書歸汶陽之田歸三田是也。尹氏曰受女樂而

女樂曰歸。蓋順桓子之意而還之也。易辭也。尹氏曰受女樂而

怠於政事。貼不如此。括中二句之事。其簡賢。謂受女樂棄禮。謂不不足與有

爲可知矣。

申中二句之失。引起行字。

夫子所以行也。

適衛。註求句之面。

所謂見幾而

作不俟終日者與。

註末句之意。

○范氏曰

此篇記仁賢之出處而折

衷以聖人之行所以明中庸之道也

楚狂接輿歌而過孔子曰鳳兮鳳兮何德之衰往者不可諫來者
猶可追已而已而今之從政者殆而

接輿楚人

據序文此下三章皆楚人

佯狂避世

夫子時將適楚

自蔡適楚

故接輿

歌而過其車前也。

點出車字爲次節下字伏脉。

鳳有道則見無道則隱接輿

以比孔子而譏其不能隱爲德衰也來者可追言及今尚可隱

去已止也而語助辭始危也。

此歌只是個已字。已則隱矣。德衰

而則又下寧反覆百折不曲已伏趨避之根矣。接輿蓋知尊

孔子言鳳尊之也而趣不同者也。知處而不知出故不同此則總斷以伏下節。

孔子下欲與之言趨而辟之不得與之言聲辟去

孔子下車蓋欲告之以出處之意。接輿之歌即接輿之言也。夫子與言即欲辨歌之非也。往

不必諫來無可追已不忍已殆不懼殆鳳之德。接輿自以為是固未始或衰也。此出處之意也。不必另說寬話。

上節之歌已寓百折不回之意矣。故不欲聞而辟之也。

長沮桀溺耦而耕孔子過之使子路問津焉。沮七余反。桀乃歷反。

二人隱者耦並耕也。時孔子自楚反乎蔡。由衛反魯年六十八自是不復有四方之

行矣。津濟渡處。

長沮曰夫執輿者為誰子路曰為孔丘曰是魯孔丘與曰是也曰

是知津矣夫音扶與平聲

執輿執轡在車也蓋本子路御而執轡古者御車皆在車上執轡所以御駕車之馬

今下問津故夫子代之也知津言數周流也字自知津處見

須問津亦不煩告以津處也兩節俱是不告以津處但此節沮之不告津也諷之以言下節溺之不告津也則絕之以形矣

問於桀溺桀溺曰子為誰曰為仲由曰是魯孔丘之徒與對曰然

曰滔滔者天下皆是也而誰以易之且與其從辟人之士也豈

若從辟世之士哉耨而不耨徒與之與平聲滔士反辟去聲耨音憂

滔滔流而不反之意即書無津上意以澹與也與者願安之意言天下

皆亂將誰與變易之

註首二句句義

而汝也

且而之而

辟人謂孔子辟世桀

溺自謂擾覆種也亦不告以津處

自耕而種而擾為時多矣

子路行以告夫子憮然曰鳥獸不可與同羣吾非斯人之徒與而

誰與天下有道丘不與易也

憮音武與如字

子路行宜截斷蓋自耕處至夫子執輿處亦見其不答所問不得不行也以告以字則以兩人之言不遺一語告耳

憮然

猶悵然

註憮然之貌

惜其不喻已意也

註變貌之意

言

貼曰

所當與同羣

者斯人而已

撮註鳥獸二句正意貼意不貼氣也

豈可絕人逃世以為潔哉

此言已不

辟世之意聞他

從辟世之語天下若已平治則我無用變易之

註末二句之意此言已易天下

天下無道故欲以道易之耳

補註末二句之意此言已易天下之意聞他滔滔誰易之語長沮

只是就津上誦辟人行徑耳。桀溺則縱言天下無可易之勢。招子路為辟世之人。辭氣傲岸。自是。故子路雖皆以告。而夫子獨致辨乎桀溺之言也。○程子曰。聖人不敢有忘天下之心。故其言如此也。

張子曰。聖人之仁。不以無道必天下而棄之也。不敢忘天下是聖人之心。仁天

下而不忍棄。則又聖人所以不忘之心也。兩說相承。其意始備。故並集之。

子路從而後。遇丈人以杖荷蓀。子路問曰。子見夫子乎。丈人曰。四

體不勤。五穀不分。孰為夫子。植其杖而芸。蓀徒弓反。植音值。

丈人亦隱者。亦字蒙前註。隱者照下文。蓀竹器。分辨也。五穀不分。猶言不辨。

菽麥爾。左傳。晉悼公之兄無慧。不辨菽麥。故不立。以上分註字義。責其不事農業而從師遠

遊也。括註四體以植立之也。植是用力。芸去草也。

子路拱而立

知其隱者_照下敬之也。

止子路宿殺雞為黍而食之見其二子焉_{賢遍反}

明日子路行以告子曰隱者也使子路反見之至則行矣

孔子使子路反見之蓋欲告之以君臣之義也_{下節子路所述是也此預提明則子路之言即夫子之意不須補友子二字矣而丈人意子路必將復來字之意故朱去之以滅其跡}語則行亦接興之意也

子路曰不仕無義長幼之節不可廢也君臣之義如之何其廢之欲潔其身而亂大倫君子之仕也行其義也道之不行已知之矣

長止聲

子路述夫子之意

接上註告之句

如此

統註一節之意蓋丈人之接子路甚

踞而子路益恭丈人因見其二子焉

長幼之節指見子言上文是引起此句

則於

長幼之節固知其不可廢矣故因其所明以曉之

所明不廢長幼之節以

曉之則包註如何廢君臣之義以亂大倫也自長幼之節至倫亂大倫皆是責其不仕無義末三句則正說仕以行義耳

序也人之大倫有五父子有親君臣有義

註雖備列五倫而節意則單重君臣有義

夫婦有別長幼有序朋友有信是也

此上只是註君臣有義為大倫耳上下四倫是陪說

仕所以行君臣之義故雖知道之不行而不可廢

首句立綱以下皆是解不

仕無義之故註不釋首句以註下文即是註

然謂之義則事之

明身之去就亦自有不可苟者是以難不

可否身之去就亦自有不可苟者是以雖不潔身以亂倫亦非忘義以徇祿也。

圈外范註即此意也故不詳註

福州有國初時寫本路下有反

子二字以此爲子路反而夫子言之也未知是否○范氏曰隱

者爲高故往而不返仕者爲通故溺而不止不與鳥獸同羣則決性命之情以饗富貴此二者皆惑也是以依乎中庸者爲難能聖人不廢君臣之義而必以其正所以或出或處而終不離於道也

逸民伯夷齊虞仲夷逸朱張柳下惠少連

少去聲下同

逸遺逸民者無位之稱

公卿大夫中無此等人士農工商中亦無此等民故曰逸民

虞仲即

仲雍與泰伯同竄荆蠻者夷逸朱張不見經傳少連東夷人齊

虞仲殷人也

逸張惠連周末人也世之相後千有餘歲孤竹北

土也邠岐西土也魯與東裔東土也地之相去千有餘里然清

風亮節則七人之外邈無同儕七人之中不啻

比肩也即以逸民兩字槩七人之姓名也亦可

子曰不降其志不辱其身伯夷叔齊與

與平聲

此節先列其品後目其人

蓋想像乎逸民之行也

謂柳下惠少連降志辱身矣言中倫行中慮其斯而已矣

中去聲下同

此節及下節先舉其人後列其品則指數其逸民之行也柳下惠事見上倫義理之次第也

慮思慮也中慮言有意義合人心

合中也中倫言合乎義理之次第中慮行合乎人心之同

然也降志辱身即承上節翻下殊可駭異然惠連不第斯也

降志辱身却言行中倫慮如斯不得謂不降不辱亦不得謂徒

其斯而已矣。少連事不可考
柳下惠事已見前
故補註連事於後。然記稱其善

居喪三日不怠。三月不解。晷悲哀。三年憂。
以漸而殺。無過情。亦無不及情。則行

之中慮亦可見矣。
言中倫。亦可知。

謂虞仲夷逸。隱居放言。身中清。廢中權。

仲雍居吳。
夷逸不見經傳。故單記雍事。逸民有七。斷髮文身。而子謂僅六人。朱張並逸聖人之論矣。

裸以為飾。
影隱居。隱居獨善合乎道之清。中清承隱居乃放言。放言

自廢合乎道之權。
中權承放言。乃道所當權也。

我則異於是。無可無不可。

孟子曰。孔子可以仕則仕。可以止則止。可以久則久。可以速則

遠。無塗轍。無意必。從心所欲。不踰矩。是也。

所謂無可無不可也。

謝氏曰七人隱

遯不汙則同其立心造行則異伯夷叔齊天子不得臣諸侯不

得友蓋已遯世離羣矣下聖人一等此其最高與柳下惠少連

雖降志而不枉已雖辱身而不求合其心有不屑也故言能中

倫行能中慮虞仲夷逸隱居放言則言不合先王之法者多矣

然清而不汙也權而適宜也與方外之士害義傷教而亂大倫

者殊科是以均謂之逸民尹氏曰七人各守其一節而孔子則

無可無不可此所以常適其可而異於逸民之徒也。

串通章爲一氣倒煞

異字。廻繳逸民所謂千鈞之力也。

楊雄曰觀乎聖人則見賢人是以孟子語夷

惠亦必以孔子斷之

大師摯適齊大音

大師魯樂官之長

下文人名皆樂官也。而摯為之長。則樂音之

之也。一適齊而諸伶失所依矣。註義正在長字。夫子反魯正樂摯與同其事。洋洋盈耳。摯又能稱其職者也。魯無摯。斯無樂矣。摯其名也。

亞飯于適楚三飯繚適蔡四飯缺適秦飯扶晚反

亞飯以下以樂

粘入樂字。

侑食

貼三個飯字。

之官

皆樂官之侑食者。此註三句內上二字。

干

繚缺皆名也

此註三句內第三字。楚蔡秦與上節之齊同係國名。三適字與上節適字同是行邁。不須註矣。

鼓方叔入于河

鼓擊鼓者

鼓字是活字

方叔名河河內

是地名非河水也上文適字去此適彼此下入字則往而

不返矣

播鼗武入于漢

鼗徒力反

播搖也鼗小鼓兩旁有耳

註鼗字

持其柄而搖之則旁耳還自擊

合註播鼗字曰耳還自擊則與方叔之擊鼓彼勞而此逸矣

武名也漢漢中

地名也非漢水

少師陽擊磬襄入于海

少去聲

少師樂官之佐

凡樂官皆曰師少師則樂官之佐佐者贊助其長蓋大師之副也

陽襄一人名

襄即孔子所從學琴者

孔子學其琴則精於琴可知然襄雖善琴而擊磬則其專官與少師通佐樂事

首又異矣不註擊

海海島也

海中之山非海水也。河漢海皆水名而河內中上也漢中海上也

注已見前也

若海中之島則蒼茫寂歷無復人世烟火兩人偕入殆亦有孤
征之慮乎。諸伶既去魯無樂矣然正以此見夫子正樂之故
蓋樂正矣諸伶不忍於三桓之僭妄而始辟
地辟世相率以去也故圈外張註結歸夫子。○此記賢人之隱

遁以附前章然采必夫子之言也未章放此張子曰周衰樂廢

夫子自衛反魯一嘗治之其後伶人賤工識樂之正及魯益衰
三桓僭妄自大師以下皆知散之四方逾河蹈海以去亂聖人
俄頃之助功化如此如有用我期月而可豈虛語哉

周公謂魯公曰君子不施其親不使大臣怨乎不以故舊無大故
則不棄也無求備於一人施陸氏本作
弛福本同

魯公周公子伯禽也。以父命子以教論治想
見燕翼誠心忠厚世德弛遺棄也。白文施
字宜作

弛勿以用也。大臣非其人則去之。反觀在其位。正貼大則不可

不用。貼以字以則不使怨矣。大故謂惡逆。惡則悖理。逆則犯上。李氏曰：四者皆君子

之事。忠厚之至也。君子字包一章之事。忠厚字括四事之心。○胡氏曰：此伯禽受封

之國。謂往之魯國也。周公訓戒之辭。魯人傳誦久而不忘也。其或夫子

嘗與門弟子言之歟。

周有八士：伯達、伯适、仲突、仲忽、叔夜、叔夏、季隨、季騫。騫鳥反

或曰：成王時人。宜主此。或曰：宣王時人。時文亦有以兩說分柱者。終未安。蓋一

此有之。四乳。此有之一奇。而生八子也。此有之一奇。然不可考矣。○張子

曰：記善人。貼士字。之多也。貼八字。○愚按：此篇孔子於三仁逸民師

摯八士既皆稱贊而品列之於接輿沮溺丈人又每有惓惓接引之意皆衰世之志也其所感者深矣在陳之歎蓋亦如此三仁則無間然矣其餘數君子者亦皆一世之高士若使得聞聖人之道以裁其所過而勉其所不及則其所立豈止於此而已哉

子張第十九

此篇皆記弟子之言而子夏為多子貢次之蓋孔門自顏子以下穎悟莫若子貢自曾子以下篤實

無若子夏故特記之詳焉凡二十五章

子張曰士見危致命見得思義祭思敬喪思哀其可已矣

致命謂委致其命猶言授命也

見其當死則必死故此句不用思字。○餘句義見別章故不註

四者立身之大節

括危得祭一有不

至

反括一致字三思字

則餘無足觀

反引

故言士能如此

正包上截

則庶乎其可矣

正貼末句折中四句

另註然後上承士字

下赶可字方見是為士可之非泛云四者為可也庶字則救已矣字語快之過

子張曰執德不弘信道不篤焉能為有焉能為亡

焉於虔反亡讀作無下同

有所得

理得於己之謂德

而守之太狹則德孤

守執也太狹不弘也後合執不

引綴德孤引

有所聞

理聞於人之謂道

而信之不篤則道廢

合後

末二句也

焉能為有亡猶言不足為輕重

合註末二句之意

子夏之門人問交於子張子張曰子夏云何對曰子夏曰可者與

之其不可者直之子張曰異乎吾所聞君子尊賢而容眾嘉善而

矜不能我之大賢與。於人何所不容。我之不賢與。人將拒我。如之

何其拒人也。

賢與之與平聲。

子夏之言迫狹。子張譏之是也。

旁斷子夏之言弊在迫狹。

但其所言亦有過

高之弊。

旁斷子張之言弊在過高。此上已斷完章意。此下單申所以過高之弊。

蓋大賢雖無所不

容。然大故亦所當絕。

何所不容。恐有黨惡之弊。

不賢固不可以拒人。然損友

亦所當遠。

如何拒人。將有比匪之傷。

學者不可不察。

此章純用斷語。旁說註之變體也。

子夏曰。雖小道。必有可觀者焉。致遠恐泥。是以君子不為也。

泥去聲。

小道如農圃醫卜之屬。

農圃養口體之安。醫卜防危疑之變。此屬亦各有一端事理。故曰小道。

不通也。

君子謀道者也。而獨不為小道。此非小道不足益人。亦非君子才力不及也。只是為乎此。則知不足以達明新。

之理行不足。以周明新之事。是以不為耳。有不為乃以專所為。須於半面中。補足圓相。

○楊氏曰：百家衆

技猶耳目口鼻皆有所明而不能相通。非無可觀也。致遠則泥矣。故君子不為也。

子夏曰：日知其所亡，月無忘其所能，可謂好學也已矣。

亡讀作無，好去聲。

亡無也。謂己之所未有。

所未有，即所未能也。亡字兼知行能字，亦兼知行知與無忘。乃時常檢點思念。

之意。講者以亡單屬知。

能單屬行，則偏枯矣。

○尹氏曰：好學者，

倒曰：新而不失。知行貫。

所未有。故日新。知行常保其所已能。故不失。而字則見日與月相續而不已。知與無忘亦相乘而不息也。故曰好學。

子夏曰：博學而篤志，切問而近思，仁在其中矣。

四者皆學問思辨之事耳。未及乎力行而為仁也。四者只是擇善之事為仁。

則更有篤行之功此二句翻盡章面非朱子不敢如此翻下四句轉合章意非朱子亦不能如此轉也然註要只在個心字

然從事於此正括上四句則心不外馳而所存自熟心字是通章之要人心也從事四者則博學者心也篤志者心也切問者心也近思者

心也心專於辨理則自不馳於謀私而所存之理自熟矣故曰

仁在其中矣外註逐項講理於內註心字未亮故不註○程氏曰博學而篤志切問

而近思何以言仁在其中矣學者要思得之了此便是徹上徹

下之道又曰學不博則不能守約志不篤則不能力行切問近

思在已者則仁在其中矣又曰近思者以類而推蘇氏曰博學

而志不篤則大而無成泛問遠思則勞而無功

子夏曰百工居肆以成其事君子學以致其道

肆謂官府造作之處致極也。工不居肆則遷於異物而業不精。

遷於異物是說不居肆之心。業不精是說不。成事之實而字則以不。成事帶入不居肆也。君子不學則奪於

外誘而志不篤。奪於外誘是說不學之心。志不篤是說不致道之實而字亦以不致道帶入不學。故本註重在

居肆與尹氏曰學所以致其道也。百工居肆必務成其事。君子學字。

之於學可不知所務哉。此註重在成。愚按二說相須其義始備。事與志道。

他處兩說互異故有可取舍。此章兩說相須則必宜參用也。然究竟前重後輕。尹註只宜帶補不必平列。

子夏曰小人之過也必文。文去聲

文飾之也。文讀去聲是活字是有方字。小人憚於改過而不憚於自欺。二句推說

文字必字之根。是畏難之心。是怕過之隱。故必文以重其過。已有之過或為無心之失必文其過則為

有心之惡
矣故曰重。

子夏曰君子有三變望之儼然即之也溫聽其言也厲

儼然者貌之莊

莊字貼儼然貌字貼望之是固儼然之君子也

溫者色之和

和字貼溫色字貼即

之是又溫而不儼然之君子也

厲者辭之確

確字貼厲辭字貼聽言是又厲而不溫之君子也三變已寓其中矣

○程子曰他人儼然則不溫溫則不厲

無所以變故也

惟孔子全之謝

氏曰此非有意於變蓋並行而不相悖也如良玉溫潤而栗然

程子言君子之變謝氏言君子不變之變以其有所以變所以不變者在也如良玉溫一色也潤一色也栗又一色也然究之

只是一良玉但欲拘以一色則不得

子夏曰君子信而後勞其民未信則以為厲已也信而後諫未信

則以為謗已也

信謂誠意惻怛而人信之也。惻怛忠愛也。誠意惻怛實心忠愛也。此是我以信孚於人而人信之。

則人以信孚於我也。此便是厲猶病也。事上諫使下字皆必誠。

交孚意。合註兩個信字。

意交孚。兩個信字。而後兩個而可以有為。反包不以為厲。

子曰大德不踰閑小德出入可也

大德小德猶言大節小節。此德字指理之名目說。閑闌也。所以止物之出

入。閑字管兩句故。言人能先立乎其大者則小節雖或未盡合

理亦無害也。此章主觀人說則可以救立言之弊矣。踰字與出入字皆因閑字作比喻也。故總註但註書意不

貼字。吳氏曰此章之言不能無弊學者詳之

子游曰子夏之門人小子當洒掃應對進退則可矣抑末也本之

則無如之何洒色賣反掃素報反

子游譏此字包一節子夏弟子於威儀容節之間包洒掃六項則可矣然

此小學之末耳推其本如大學正心誠意之事則無有此只是個先後

不宜分本末。一氣挨下此所謂順註也。

子夏聞之曰噫言游過矣君子之道孰先傳焉孰後倦焉別必列反諸草

木區以別矣君子之道焉可誣也有始有卒者其惟聖人乎

焉於虔文

倦如誨人不倦之倦。謂怠而不教。區猶類也。言君子之道非以孰其

末爲先而傳之

先傳頂末字

非以其本爲後而倦教

後倦頂本字孰先二句言君子

無先後之心

但學者所至自有淺深

此是補圓譬諸二句之意

如草木之有大小

其類固有別矣

譬諸二句言學者有先後之序

若不量其淺深不問其生熟而

槩以高且遠者強而語之

此又補圓誣字之意

則是誣之而已

之道豈可如此

正貼君子之道焉可之氣此三句言君子無誣人之教

若夫始終本末一

以貫之則惟聖人爲然

有始二句言先後一致之難

豈可責之門人小子乎

繳應門人小子。圈外程註首條言教有先後之序。下三條言道無小大精粗之殊。以是其然小也粗也必有所以然。卽大也精也乃是推說子夏言外之意。行文槩用恐悶本面故不詳註。蓋恐門人小子未易猝曉也。深造者當自得之。



君子教人有序先傳以小者近者而後教以大者遠者非先

傳以近小而後不教以遠大也。又曰洒掃應對便是形而上者理無大小故也。故君子只在謹獨。又曰聖人之道更無精麤從洒掃應對與精義入神貫通只一理。雖洒掃應對只看所以然如何。又曰凡物有本末不可分本末爲兩段事。洒掃應對是其然必有所以然。又曰自洒掃應對上便可到聖人事。愚按程子第一條說此章文意最爲詳盡。其後四條皆以明精麤本末其分雖殊而理則一。學者當循序而漸進不可厭末而求本。蓋與第一條之意實相表裏。非謂末卽是本。但學其末而本便在此也。

子夏曰仕而優則學學而優則仕

優有餘力也仕與學理同

伏後註。皆所以明明德。故理同。

而事異

伏前註。有出處之

別故

故當其事者

承上。事異。

必先有以盡其事

仕優學優。

而後可及其餘

則學

承上。則仕。然理同。

仕而學則所以資其仕者益深

學之理資乎仕。

學而仕則

所以驗其學者益廣

仕之理驗乎學。春秋時世家子策未學而已仕。故告之以仕優則學。又戒之以學

優乃可仕也。註雖無此意。但

白文倒說至此亦正有見。

子游曰喪致乎哀而止

致極其哀不尚文飾也

而止字太快。子游文學之彥。討論喪禮。見諸戴記者甚多。此言若作不得已而

救時之弊。庶免立言之失。

楊氏曰喪與其易也寧戚不若禮不足而哀有餘

之意愚按而止二字亦微有過於高遠而簡畧細微之弊學者

詳之

子游曰吾友張也為難能也然而未仁

子張行

為過高難能

而少誠實

未全

惻怛

未盡愛之意

之意

曾子曰堂堂乎張也難與並為仁矣

堂堂容貌之盛言其務外

申說容貌字

自高

申說盛字引下難並

不可輔而為

仁

人難並

亦不能有以輔人之仁也

張亦難並

○范氏曰子張

外有餘而內不足

仁內也為難堂皆外有餘也

故門人皆不與

許也

其為仁

合

兩章

正面子曰剛毅木訥近仁寧外不足而內有餘庶可以為仁矣

推說兩

章餘意

曾子曰吾聞諸夫子人未有自致者也必也親喪乎

致盡其極也蓋人

人字包智愚賢不肖

之真情所不能自己者

真情原於良心故情

無不同亦

不待教

○尹氏曰親喪固所自盡也於此不用其誠惡乎用

其誠

此章是說人之良心無戒勉意言外見於親喪而猶或不自致則非人矣

曾子曰吾聞諸夫子孟莊子之孝也其他可能也其不改父之臣與父之政是難能也

孟莊子魯大夫

有用人行政之權者

名速其父獻子名蔑獻子有賢德而

莊子能用其臣守其政

非徒爲其入政之善也蓋不忍死其親以自專耳

故其他孝行

雖有可稱而皆不若此事之為難。先註不改之實後煞他可能是難能之氣。

孟氏使陽膚為士師問於曾子曾子曰上失其道民散久矣如得其情則哀矜而勿喜

陽膚曾子弟子民散謂情義乖離不相維繫。情乖離則恩愛不相維繫義乖離則

名分不相維繫。謝氏曰民之散也以使之無道教之無素故其犯法也必矣。

犯法也非迫於不得已則陷於不知也。此即其情也然有謂得其當罪之情者故

得其情則哀矜而勿喜。士師刑官也折獄能得其罪當之情則職稱而心慰故易喜然養民教民既非

其職刑民殺民縱使不悞心則何忍得情後非遂不刑不殺也。只勿喜之心則士師之所得為者耳陳大士文從士師二字翻

剥通章直恁痛快此看書之竅即行文之竅也。

子貢曰紂之不善不如是之甚也是以君子惡居下流天下之惡

皆歸焉

惡居之惡去聲

下流地形卑下之處衆流之所歸

此註下流惡歸字本義

喻人身有汙賤

之實亦惡名之所聚也

此註正喻相同之意

子貢言此

括通

欲人常自警

省不可一置其身於不善之地

單註正意

非謂紂本無罪而虛被惡

名也

倒找首二句見此章意在警人紂只是借作影子耳

子貢曰君子之過也如日月之食焉過也人皆見之更也人皆仰

之

聲更平

首二句總提下二扇分說如字之意皆見

衛公孫朝問於子貢曰仲尼焉朝音潮焉

公孫朝衛大夫。子貢衛人也。

子貢曰文武之道未墜於地。在人賢者識其大者。不賢者識其小者。莫不有文武之道焉。夫子焉不學而亦何常師之有。識音志下焉於虔反

文武之道謂文王武王之謨訓。道見於言。功烈於事。與凡周之禮樂

文章。道分見於制度。文為皆是也。道字如此排註。正為下文大字小字識

道體。則不消在人。在人言人有能記之者。識記也。粘入識字。亦不消識之矣。

人也。賢不賢人也。識大識小在也。即道之莫不有也。自首句至

無常耳。此集註之識力也。若呆衍上截則末二句焉不亦何之勢鬆矣。

四書是事
論語卷之四
子貢問仲尼焉

叔孫武叔語大夫於朝曰子貢賢於仲尼

語去聲朝音潮

武叔魯大夫名州仇

曰以下即所云也

子服景伯以告子貢子貢曰譬之宮牆賜之牆也及肩窺見室家之好

牆卑室淺

武叔之云因所見而云也然見賜而不見仲尼則以賜易見而夫子難見也牆有高下則見有明暗兩譬

故自奇快

譬之宮牆一句總提下而兩扇分疏末節單承夫子反繳意精切而語滑稽首句總提宮牆而此節但言室家

故註不

用宮字

夫子之牆數仞不得其門而人不見宗廟之美百官之富

七尺曰仞不入其門則不見其中之所有

包宗廟二句

言牆高而宮

廣也

得其門者或寡矣。夫子之云不亦宜乎。

此夫子指武叔。武叔之云本甚不宜。然子貢從宮牆譬來。則武叔固見賜之好而不見夫子之美富者也。以不見之人云不見之語。云胡不宜。通章雖是諛語。然不得門得其門亦見夫子非不欲其入而閉之門也。諛語中正露出婆心。

叔孫武叔毀仲尼。子貢曰。無以為也。仲尼不可毀也。他人之賢者。丘陵也。猶可踰也。仲尼日月也。無得而踰。焉。人雖欲自絕。其何傷於日月乎。多見其不知量也。量去聲

無以為猶言無用為此。

無以為二句。包攝一章。下文他人二扇。是言不可毀之故。人雖至末。是言無以。

為之實。

土高曰丘。大阜曰陵。日月喻其至高。

勿參入明意。

自絕謂以謗。

毀自絕於孔子。多與祗同。適也。不知量謂不自知其分量。有賢人之

量有聖人之量。武叔之量未及賢人。而乃毀聖人。則不自知之過也。上章評武叔之云。姦而讒。此章斥武叔之毀直而峻。信善

為說

辭者。

陳子禽謂子貢曰。子為恭也。仲尼豈賢於子乎。

為恭謂為恭敬。指容貌辭氣言。推遜其師也。粘起仲尼。

子貢曰。君一言以為知。一言以為不知。言不可不慎也。知去聲。

責子禽不謹言。即責其不知也。

夫子之不可及也。猶天之不可階而升也。

階梯也。天不可為也。有階則可以思勉。化不可為也。無階矣。何可及之。此句是觀說。

此句是正貼。故曰不可階而升也。上註句意。此還句面。

夫子之得邦家者所謂立之斯立道之斯行綏之斯來動之斯和
其生也榮其死也哀如之何其可及也。道去聲。

立之謂植其生也。貼。道引也。謂教之也。貼。行從也。綏安也。承立

一層謂來歸附也。動謂鼓舞之也。承道字進一層謂教之深。和所謂於變時

雍以上註字義言其感應之妙。立道綏動感也。神速如此。貼四

斯字如此。榮謂莫不尊親哀則如喪考妣。註下二句字義。程子曰此聖

人之神化上下與天地同流者也。總束一節之意。○上節註化

節註過化存神言其不可及之業體用。不可為言其不可及之德此

一原內外周備此之謂智足以知聖人。○謝氏曰觀子貢稱聖

人語乃知晚年進德蓋極於高遠也夫子之得邦家者其鼓舞
 羣動捷於桴鼓影響人雖見其變化而莫窺其所以變化也蓋
 不離於聖而有不可知者存焉聖而進於不可知之之神矣此
 殆難以思勉及也

堯曰第二十 凡三章

堯曰咨爾舜天之曆數在爾躬允執其中四海困窮天祿永終

此堯命舜

伏下節命禹

而禪以帝位之辭

總註天之曆數二句此二句禪而命之也

咨嗟

嘆聲

下文言也咨字聲也未言而先嘆想見欽明交思深遠之意

曆數帝王相繼之次第

先正

說君

猶歲時節氣之先後也

一歲有四時有八節有二十四氣有先後次第此曆數也猶字則正

喻來

允信也中者無過不及之名

此中之用也為言執故不及體

四海之人困

窮則君祿亦永絕矣戒之也

四海二句警戒之辭故總束曰戒之也

舜以命禹

舜後

受曆數五十載之後

遜位於禹

曆數又在禹躬矣

亦以此辭命之

謂允執句

今見

於虞書大禹謨比此加詳

人心惟危道心惟微言中之難惟精惟一言之功允執厥中則仍是堯

之允執其中也語加詳而理不異故括叙曰亦以命

早小子履敢用玄牡敢昭告于皇皇后帝有罪不敢赦帝臣不

蔽簡在帝心朕躬有罪無以諱之禹方有罪罪在朕躬

此引商書湯誥之辭蓋湯既放桀而告諸侯也

與上二節禪位之命異矣此句

總註通節之意

與書文大同小異曰上當有湯字履蓋湯名用玄牡夏

尚黑未變其禮也簡閱也

以上註字義

言桀

補明有罪之人

有罪已不敢赦

而天下賢人

補明帝臣之人

皆上帝之臣已不敢蔽簡在帝心惟帝所

命

補足簡在之意

此述其初請命

請命於皇后帝也

而伐桀之辭也

束上截六句

又

言

另叙末四句

君有罪非民所致民有罪實君所為

衍四句之面

見其厚

於責已薄於責人之意

釋四句之義

此其告諸侯之辭也

束下截四句告辭

在末四句而並述前此請命之言蓋有厚於責已之心乃不愧前此昭告后帝之意耳

周有大賚善人是富

代反

此以下述武王事

總註此下五節蓋上三節述言此五節皆述武王之事耳

賚予也武王克

商大賚于四海。見周書武成篇。此言其所富者皆善人也。大賚于四

海是武成原文。此則言其所富者皆善人。蓋述其事而不襲其句。上下串說。只是一意。時文有下句另轉者。誤矣。○大賚。即富

也。之。詩序云。賚所以錫予善人。蓋本於此。

雖有周親不如仁人。百姓有過在予一人。

此周書泰誓之辭。孔氏曰。周至也。言紂至親雖多。微箕比干之屬不如

周家之多仁人。下二句與湯告同意。故不註。

謹權量。審法度。脩廢官。四方之政行焉。

權。稱錘也。量。斗斛也。法度。禮樂制度皆是也。謹。權以同輕重。謹

禮而品節明。審於樂而聲容辨。審於制度而服物采章有等。此皆所以範四方之耳目而同四方之風教。即政也行焉。則見其

順而
易也

興滅國繼絕世舉逸民天下之民歸心焉

興滅繼絕謂封黃帝堯舜夏商之後興繼是一套事封其後舉則國不滅而世不絕矣

逸民謂釋箕子之囚復商容之位三者皆人心之所欲也聖人

人心皆欲長有其土長綿其嗣賢哲之民人心皆欲安榮其身興之繼之舉之則其所欲者順而還之矣故曰歸心

所重民食喪祭

武成曰重民五教惟食喪祭此武成原文也白文則約原文以爲句謂所以重民之五教者在食

喪祭耳蓋五教爲天叙之自然三事在人爲之自盡三事所以扶持五教故所重乎五教者在此三事也所字原文所無五教

又此文所少故宜補而銘之

寬則得衆信則民任焉敏則有功公則說

說音悅

此於武王之事無所見恐或泛言帝

前文堯舜王湯武

之道也

前

文中字蓋不專一人不專一事而統言所以致治之道寬信敏公中而已矣

○楊氏曰論語之書皆

聖人微言而其徒傳守之以明斯道者也故於終篇具載堯舜

咨命之言湯武誓師之意與夫施諸政事者以明聖學之所傳

者一於是而已所以著明二十篇之大旨也孟子於終篇亦歷

敘堯舜湯文孔子相承之次皆此意也

子張問於孔子曰何如斯可以從政矣子曰尊五美屏四惡斯可
以從政矣子張曰何謂五美子曰君子惠而不費勞而不怨欲而

不貪泰而不驕威而不猛

費芳味反

五美每句首尾兩字皆相妨而非美。各貫以而不則美而盡善矣。上二句政之及人。下三句政之在己。及人者欲與聚而惡無施。在己者誠於中而形於外。此節則五美之目也。

子張曰何謂惠而不費子曰因民之所利而利之斯不亦惠而不費乎擇可勞而勞之又誰怨欲仁而得仁又焉貪君子無眾寡無小大無敢慢斯不亦泰而不驕乎君子正其衣冠尊其瞻視儼然人望而畏之斯不亦威而不猛乎

焉於虔反

此節則五美之實也。每段皆發明上節而不之意。須得指點語氣。

子張曰何謂四惡子曰不教而殺謂之虐不戒視成謂之暴慢令

致期謂之賊猶之與人出納之吝謂之有司

出聲

虐謂殘酷不仁。暴謂卒遽無漸。致期刻期也。賊者切害之意。緩

於前而急於後以誤其民而必刑之是賊害之也。世無以從政為賊者故註

從慢令致期中發其誤民以刑猶之猶言均之也。均之以物與

人而於其出納之際。謂出此納彼持物以與之時乃或吝而不果則是有司

之事而非為政之體所與雖多人亦不懷其惠矣。補明謂有司之惠政亦

有殺有成有期有與。惟不教而殺不戒視成慢令致期吝所宜

與則為虐暴賊有司之惡虐暴賊剛惡也有司柔惡也戕民命

而傷國體四惡皆五項羽使人有功當封刻印刻忍弗能予卒

以取敗亦其驗也。尹氏曰告問政者多矣未有如此之儆者

也故記之以繼帝王之治則夫子之為政可知也

子曰不知命無以為君子也

程子曰知命者知有命

此命字專指壽夭窮通之氣數說有命二字乃拆取得之不得曰有命之語有

字便見個

而信之也

補此三字圓足知字之

人不知命

貼合則書氣則

不移之意

見害必避見利必趨

趨利避害潰義理之防而違一定之數行險微倖皆原於此

何以為君

子為進為也是有力字無以者無所據也為君子尚有許多義理在但貳其心於氣數之命則必不能修身以俟而將為

趨避之小人矣

不知禮無以立也

不知禮則耳目無所加手足無所措

耳目辨此身行止之宜手足為一身行止之具然皆

有品節以範之。不知禮則有耳目而只如聾瞶。有手足而是處愴悵。註已活畫出無以立小像矣。

不知言無以知人也

言之得失可以知人之邪正。人之邪正在生平。言之得失在當下。然言心聲也。言之得理則以是

而知其人之正。言之失宜則亦以是而知其人之邪矣。○尹氏曰：知斯三者，知命、知禮、知

言接人，則君子之事脩矣。以首節為君子貫下二節，知命者為

之先務，則君子之根基。知禮、知言乃為君子之條目也。此是一

頭兩腳之格。弟子記此以終篇得無意乎？學者少而讀之老

而不知一言為可用。不幾於侮聖言者乎？夫子之罪人也。可不

念哉。

提耳下論卷之四終

